

En schön nützlich büchlin vnd
vnderweisung der kunst des Messens/mit dem Zirc-
kel/Richtscheidt oder Linial. Zu nutz allen kunstliebhabern/fürnemlich den
Malern/Bildhawern/Goldschmiden/Seidenstickern/Steynmekern/
Schreimern/auch allen denen/so sich der kunst des Augenmeß (Per-
spectiua zu latin gnant) zugebrauchen lust haben. Darin man
auch solche kunst leichter/dan auß etlichen hieorigetruck-
ten büchern/begreiffen vñ lernen mag/mit vil schö-
nen darzü dienenden figuren.



Mit Keyserlicher freyhent.

Zu dem Leser.


Des Jars Fünffzehnhundert/ Fünffundzwenzig
hat weilund Albrecht Dürer zu Nürnberg/eyn weitberühm-
ter/ kunstreicher Maler/ im druck verordent außzulegen/ zwey
Büchlein/eyns in seinem begriff/ anzulegen die kunst vnd vnderweisung
der messung mit dem zirkel vñ richtscheidt/ das ander die Proporz mensch-
licher Bild/ das sie recht vnd wolgestalt gemalt oder sunst gemacht werden
sollen/ zu nutz allen kunstliebhabenden. Wiewol nun dieselben für die/ so
eyns grossen verstandts/ vñ vielleicht dienlich/ auch deßhalb vnuerächtlich/
dañ ie gemelter Albrecht Dürer/ dieser kunst mit alleyn verstandts genug/
sunder ganz gewissen gebrauch gehabt/ als das seine gemälde vnd kunststück
die er gemacht/ beweisen. Jedoch als solche zwey Bücher/ an etliche dieser
kunst auch bericht/ gelangt/ haben sie sich nit wol darauß verrichten mögen
auch jung anhebende künstner/ so sich auß den angelegten Büchern zuler-
nen beflissen/ schwerlich ichts darauß erholen oder emphaen mögen/ vnd
also zuachten/ es sei so vberkünstlich vnd unbegreiflich gemacht/ das es al-
leyn den hochuerstendigen dienlich. Darumb eyner/ welcher die kunst des
messens/ malens vnd was darauß volgen mag (zu Latein Perspectiua ge-
nant) hievor zum theil auch gelernt/ vñ volgendts durch tegliche übung er-
gründet/ sich vndternomen/ zu nutz vnd gut allen künstnern vnd kunstlieb-
habenden/ fürnemlich den Malern/ Bildhawern/ Goldschmiden/ Sei-
denstickern/ Steynmeßern/ Schreibern/ etcet. vnd welche mit dem zirkel/
richtscheidt oder linial vñgehen/ die kunst Perspectiua/ schlechter vñnd be-
greiflicher/ dann Dürers Bücher außweisen/ anzulegen/ vnd mir Hie-
ronimo Rodlern Fürstlichem Secretario zu Siemern/ dieselbig meynüg
in eynem geschriebnen Büchlin zugestellt hat/ das ich ferrer als eyner dieser
kunst besunder liebhaber/ allen andern vnd sunderlich dem künstner so es ge-
macht/ zu dienst vnd gefallen/ gleich mit den worten/ wie es mir zukommen
in druck bracht/ gutter hoffnung/ es sollen die junge kunstbegirigen/ so dar-
auß zulerne fürnemen/ behendern vnd statlichen grund (dann auß
des Dürers Büchlin) leichtlich vñ mit kleyner mühe begreif-
fen/ auch die meynster dieser kunst/ vñnd eyn ieder kunst-
liebhabender/ solch mein Büchlin neben Dür-
ers vnuerächtlich in guttem annemen/
das bin ich zuuerdienen alle
zeit willig.

Das Erst Capitel vnd iñgang

diß büchs/ von der kunst Perspectiua/ vnd
was das für eyn kunst sei.

In anfang Ob imant der die-
ser kunst vnwissendt/ derselben gern bericht vñ ver-
stant haben wöllt/ was es für eyn kunst sei/ vnd woher sie kome/
der merck diese meynung: Perspectiua die kunst/ nimbt iren vrsprung auß
dem gesicht/ dann Perspicere/ heiszt vff teutsch/ durchsehen/ oder hefftig se-
hen/ wann diese kunst Perspectiua/ muß erstlich mit den dieffsten gedanken
(ehe der mensch deren vol vnd begreiflich wirdt) ergründt werden. Welcher
nun dieff gedencet/ der sihet auch scharpf/ darum diese kunst billich den na-
men/ Perspectiua/ erschöpfft. Damit auch du lesender nitt gedencest/ als
sollt es erdicht sein/ daß diese kunst erstlich auß dem hefftigen sehen/ sonder
vermeynst villeicht alleyn auß speculation vñ scherpf der sinne/ erfunden
sei/ so will ich dir diesen bericht geben: Gehe in eyn grosse kirch/ die mit seu-
len vnd hohen fenstern (wie in Stetten gwonlich) geziert vnd gemacht ist/
stell deinen ruck an die mitte der hindersten wand/ kere dein gsicht (als still
stehende) vbersich/ so wirdt dich selbs beduncken (wiewol alle fragsteyn vñ
fenster/ in eynere höhe gemawert sindt) als ob die seulen vnd fragsteyn/ bei
dir am höchsten/ vnd sich von seulen zu seulen/ inn die verre hinweg/ senck-
tendt. Auch die plätz zwischen den seulen (so du verrer sihest) sich ie lenger
ie mer verlieren thün: Desgleichen mit dem pflaster oder pavement vff der
erden/ daß solches/ am nächsten bei dir/ breyt/ vnd ie verrer du sihest/ inn die
leng/ stracks hinauß/ schmeler vnd kleyner von steynen sei/ vñnd sich gleich
eynem drechter verliere. Bistu aber den seiten puncten ergründt/ ob dem zu
gleicher weise wie iezgemeldt/ auch also sei: So stell dich (wann zwo zeil oder
ordnung seulen inn der kirchen sindt) in die mitte an die hinderst wand/ zu
dem eynen theyl der seulen/ vnd so nit mer dann eyn ordnung seulen inn der
kirchen ist/ vñgeuerlich vff fünf oder sechs schritte nahend bei die eyn seiten
wandt/ so wirdt dich beduncken/ die eyn wandt werd oder sei lenger dan die
ander/ so doch der meyster/ der sie gemauert/ kheyne lenger dan die ander ge-
macht hat. Also sprich ich billich/ daß diese kunst auß dem ergrüntlichen ge-
sicht/ iren vrsprung vnd namen erschöpfft.

Auch seindt etliche/ die sie Speculatiuam nennen/ vnd das zu vrsach nemen: So eyn Spiegel off eynenn disch oder bandt gelegt/ vnd vff sein mitte eyn messer mit der spizen gestellt wirdt/ gibt eyn anzeig/ wie diese figur hiebei außweiset/ vnd darumb/ von wegen des messers also daruff gestellt/ vnd seines schattens im spigel/ vnden bei der spitze zusamen komens/ sich bei dem stiel vbersich erhebend / also dieser kunst vergleichet / sie speculatiuam gnennt. Ich gib aber der ersten meynung des vrsprungs bessern glauben:



Dan̄n wiewol diese kunst/ Perspectiua/ bei den alten malern vnd künstlern/ vnbekāntlich vñ vnwissend war/ so haben sie doch/ durch fleissig vñ vñnd auffsinning des augenmeß / der merbemelten kunst (aber gar nitt die scherpf irer gerechtigkeit gebrauchend) fast nahe hinbei geschoben/ welchs nitt mühe vnd nitt so geringlich/ als diese kunst an jr selbst gibt/ zūgangen. Nun ist sie die warheit/ wer sich in Malen/ Bild vñ Steynharwen/ Sticken/ auch inn Silber/ gold oder kupffer stechen/ dieser kunst befliebt/ der mag damit vil mer schöner ding/ dann auß eygnen sinnen vnd dem augenmeß/ zuwegen bringen. Wiewol es auch die vñbung in die harr dahin bringt/ daß die rechten künstner/ den puncten etwo zurück stellenn/ vñnd auß voller begreiffung vnd in bildnus dieser kunst/ dem augenmeß nach/ gerechte proportionirte geheuse zuzeiten machenn/ muß aber dannoch der anfang (ehe die volkommenheit erlangt wirdt) erslich auß dem puncten regiert werden/ vnd man ist auch der sachen desto gewisser.

Das Ander Capittel zeygt an inn wievñl theyl diese kunst hierinn außgetheylt ist.

Den haben wir verstanden/ was die kunst Perspectiua inn jm selbst ist/ so ist nun weiter zuuernemen/ wie die inn diesem buch wirdt getheylt inn siebenerley wege. Zum ersten/ wie mā die vñf rechten/ hangenden/ zwerch/ vbersichgeenden/ vnd creutz Linien (welche ich vñmb des gemeynen handtwercks manns willen/ der des latins vñuerstendig/ also genant/ nachdem ich die latinische wörter/ inn vorigen per-


spectiuischen büchern/ den vngelärten künstlern/ gar wenig dienlich/ oder verstandt zubringen/ sunder ehe irr daß der kunst wissend gmacht/ gesehen) brauchen/ vnd die meynung dauon eynfältig/ inn gutem teutschen verstehen soll vnd möge. Zum andern/ wie man das Pauiment oder pflaster/ in eyn vierecket geheuse formiren soll. Zum dritten/ wie man etwo inn gemälde/ eyn seiten des pflasters verkürzen/ vnd die andere erlengen soll/ doch daß solchs alles inn seiner gerechtigkeit bleibe. Zum vierdten/ wie man etwo zwen puncten brauchen soll/ vnd warzū solche dienlich seiendt. Zum fünfften/ wie man Landschaften in den puncten richten soll. Zum sechsten/ wie man die Stende der menschē/ auch Antliker oder angesichter/ auß dem seiten pauiment oder pflaster (welchs man auch auß der quadratur nennet) richten soll/ dann was inn vier theyl getheylet/ wirdt quadratur genandt. Zum Sibenden/ wie man eyn Bild oder Landschaft/ so kleyn ist/ inn eyn grössere form bringen mag/ also daß alle ding zusammen komen/ es sei von standt vnd geberde des Bildes/ oder aller gelegenheit der Landschaften/ von Bergen/ Schössern oder Thälern/ wie es in kleynen muster/ darauff du malest/ vor dir steht/ vnd nit destminder/ dann hie/ dann dort/ anfahren magst zumalen/ doch alle ding sich gerecht zusamen fügen/ vnd diß ist das verborgenst vnd subtilist stück vnder allem malwerck.

Das Dritt Capittel von dem puncten.

Nach müstu am ersten vñ fürnemsten wissen/ was vom puncten inn diesem buch geredt wirdet/ was das sei: Nemlich ist Punctus/ eyn stipplin also. welches so eyn Maler/ Bildhawer/ Steynmeß/ oder Seidensticker/ eyn geheuß reissen oder entwerffen wil/ in die mitte des geheuses/ oder vff eyn seit/ seins gfallens (darnach er das geheuse gegensichtig/ in eyn gerechte quadratur/ oder ablengicht nach dem seiten puncten richten wil) stellen mag/ vnd diß sol mitt linden kolen gemacht sein/ damit man inen abthün vnd außleschen möge/ vnd nit eyn ieder sehe/ wie der gebraucht worden. Zu diesem eynigen puncten/ sollen alle Thüren Fenster/ Kragsteyn/ Scharsteyn oder schlöt/ Tisch/ Stül/ Benck/ Ladenn/ Balcken/ Capital/ Postament oder Pedestal vnden an seulen vnd Paniment/ was die seit vnd fläche in im hat/ gericht werdē/ es were daß (wie hernach in etlichen orten gemeldet wirdt) daß mā etwo zwen puncten braucht.

Das Vierd Capittel/vonn den Blindlinien oder strichen.


Alle die werden Blindlinien oder strich genest/welche man mitt linden kolen oder blei verzeichnen (die an ettlichen enden hierin/vm merer verstandts willen mit roter farb angezeygt sind) vnd die reichen von fornen an bisß zum puncten/ gehn vnder sich vñ übersich. Als wann du fenster inn eyn wandt malen willst/so nim die höhe der negsten fenster bei dir/vnd thū eyn lini strich bisß zum puncten/oder da die gegensichtig innerst wandt erwindet/vnd darnach mach aber eyn lini strich/ gleich vnder dem ersten/ in der breyte wie dick du das obertheyl der fensteren anzeygen oder haben wilt/auch bisß zum puncten zu. Darnach thū noch eyn lini strich vnder den beyden/soferr von den ersten zweyen/als lang du die fenster haben wilt sie herab reichen sollen / vnd wann du zunegst bei dem puncten oder inn der mitte der wandt / fenster machen willst / so sollen sie allemal an den obersten vnd vndersten lini strich reichen/dañ so verlieren sich die fenster ie lenger ie mer zum puncten zu/vnd nach breyte der wandt/gerecht vnd proportionirlich. Vnd wo die fenster (als in den Stuben/Sälen/Kamern vnd Kirchen) so lang reichen/dass die bild in dem geheuse/eyns halben bilds hoch/ober die vnderste lini langten / so sol mann vnden eben als wol die dicke der mawren/durch noch eyn lini/zunegst über der vndersten/ in der breyte/wie du die dicke anzeygen willst/reissen/vnd durch auß wie die ersten/geen lassen. Dieser lere soltu dich auch halten mitt den Seulen vñ Thüren/ auch Schencken oder behaltern vnd was die seit an ime hat/wie diese figur/ zunegst hernach gestellt/ dessen clarer anzeyge gibt. Darnach so die fenster an die ort du sie habē wilt/ außgerissen sindt/so thū die vorangezeygten linien auß/das man sie nit mer sehe/vnd darumb so werden sie blindstrich oder blindlinien gnannt/ vnd alle diese linien/sie seien vffrecht/hangend/übersich geend/ oder zwerch/ so nit sollen bleiben steen/ sunder nur zur abtheylung vnd abmessung der höhe vñ lenge dienend/defgleichen die creuklinien inn Pauimenten / werden blind linien oder blindstrich gnañt.



Das Fünfft Capittel/ wie man Pauiment oder Pflaster machen sol.


In so du eyn Pauiment oder Pflaster (das inn eyn rechte quadratur oder fierung komen sol) machen wilt/ so miß ab mitt eynem zirkel/ die mitte der formen oder papiers/ daruff du malen wilt / dahin mach eyn stiplin / darnach nim eyn linial oder richtscheidt/ setz das vff den puncten/ vnd darnach vff das vnderst ort/ mitt linden

kolen/zugleicher weise thû vff der andern seitten auch/so wirt eyn Triangel darauß/ wie hieunden verzeichnet steht/darnach so thû eynen oberzwerchen riß oder zwerch lini / also dieß du das pflaster hinein haben wilt/wiltu es kurtz bei dir haben/ so thû den zwerch riß in den halben Triangel / wiltu aber eyn dießes geheuß haben / so laß es wie das muster anzeigt / wann es zimlich proportionierlich geordnet ist.



So des Paviments Triangel also gemacht ist/ mitt seinem oberzwerchen strich/wie hie zuvor gemelt worden/ so mußt du das negst theil / oder das vndertheil bei dir an der formen/ mit eynem zirckel außmessen/vnnd abtheilen/ das es gerad riß oder linien gewinnet/als 8/10/12 / oder/14/also.


So werden die mittlen plätz der steyn/ zwischen den linien vngerad / darnach setz dein richtscheidt vff den puncten (das ist oben die spitz am Triangel) vnnd vff der abgetheilten stiplin eyns/ so du zu den steynen abgetheilt hast/thû eynen strich biß zum obern oberzwerchen strich oder lini der inersten diese des geheuses/laß das richtscheidt für vnd für oben inn des Triangels spitzen (das ist vff dem puncten) stehn/far von stiplin zu stiplin herum/biß du theyn stiplin mehr hast/so wirt es wie das nachuolgend muster anzeigt/ vnd ist eyn gerecht gewiß ding/ welchs man sunst von freier hand nit also treffen kan.



Duiments Triangel/so der gmacht ist wie iez gemelt
wiltu es dan zu eynem gebitterten bodem haben/so darffstu nichts
mehr/ dann ansetzen die negel der bretter/ so ist das gnug. Wiltu
aber fûrfaren/ vnd eyn steynicht pflaster haben/ so nim dein richt-
scheidt/setz es vndē vff das recht oder linck ort/oder seit/ wie dir geliebt/ vnd
far hinuff so fere dich gûtduncket/ vnnnd ruck denselben halben creutzstrich
so hoch vnd nider/nach dem du die steyn brend oder schmal haben wilt/dan
ie neher du mit dem halben oder ganzen creutzstrich hinuff ferst/ ie brennter
die steyn/ vnd vnformlicher sie werden/wann dieser creutzstrich oder creutz-
lini/bringt die verlierung der steyn/wie sie sich nach rechter art/ie dieffer sie
im̄ geheuß stehn/ ie lenger ie mehr verlieren oder verkleynern sollen.


Spter aber/damit du eygentlichen bericht dieser mey-
nung/was mich zum besten beduncket/emphahest/so rathe ich dir
nachgestelter massen/disen halben creutzstrich thû mit linden folen
damitt er außgethon mög werden: Nim darnach eynen zirkel/ vnnnd nim
die maß vnd weite von dem vndersten ort/ da du den halben creutzstrich an-
gefangen hast zumachen/ biß das du oben erwunden bist/ also hoch far am
andern ort/ auß dem vndersten eck mit eynm creutzstrich auch hinuff/so wirdt
in der mitte eyn leigends Andres creutz/ vn̄ von den creutzstrichen/ du oben

errunden bist/ far wider übersich hinuff/ biß an den überzwerchen strich im
 Triangel/ solang biß dich dunckt/ das Andres creutz werde nach seiner
 größe eben als legerhafft wie das erste/ so kumbt es wie hienach=
 getruckt ist. Du müst auch fleiß vnd acht haben/ daß du
 mitt den ersten creutzlinien/ so erslich übereinander
 gehn so hoch farest/ daß nit meh dan das drit=
 theyl des Triangels oder pflasters/ zum
 obern creutzstrich oder lini über=
 bleibe/ so stehts wie volgt.




Also merck nun/ was alle diese drei formen hienor ange
 dengt/ in eynander vñ zusamen bracht sindt/ wo dan die zwo creutz
 linien/ die oben herab gehnden/ oder übersich gehnden linien betref
 fen vnd berüren/ oder wo die creutzlinien vñ die langen linien übereinander
 schrancken/ gleich an den selben enden setz dein richtscheidt vff die zwerche/ der

zusamenrühenden oder schranckenden linien / vnd streich dan eyn strich dar-
über / so werden eitel viereckete steyn darauß / vnnnd solches fahe vn-
den oder oben an / vnnnd mach es also auß / so lang die linien
schrancken / darnach so wüsch die creuklinien auß /
dann hastu eyn recht artlich proportionirts
pflaster / wie solchs diese figur hieun-
den verzeichnen außweist.




Luter vnd clar hastu hiemit die ganz anzeig wie man
das pflaster eyns geheuses machen vnd richten sol / welches am aller
ersten / ehe man eyniche figur dariñ reisset / vffs wenigst mitt blind-
strichen oder linien abgerissen oder verzeichnet sein sol. Dan wo die bildnuß
vor erst dariñ gerissen würden / vnd darnach das pflaster / so kün-
man sich nit wol darauß richten / man kan auch (ob
man wil) die stende der personen dester
baß nach dem pavement oder
pflaster stellenn.

Das Sechsts Capittel von etlichen andern Pflastern vnd Bänen.



Nagen wir nun wissens der anzege von dem pflaster/so ist auch vō nōten gleicherweise von der bānen des hauses beschehe/ darumb merck also: Wiltu eyn schlecht gebritterte bāne haben/ wie man stuben zefilzen pflegt/ so neme der leisten brente oben/ vnd reiß sie vō dem puncten an biß oben auß/so verlieren sie sich all sanfft/ wie du dessen gūte anzeig hernach inn der ganken figur der kammeren mitt der bethladen findest. Wiltu aber eyn gebritterte Bāne mit iren balcken haben/ so halt dich dieser lere: Theyl die Bān mit iren steynē oben (wie vō dem pflaster eyn anzeig gethan) ab/ vnd mach darauß eyn ganz pflaster/ mit seinen creuklinien vnd allem andern/ wie ich dich zūnegst hieuor gelert hab/ doch daß solch ganz pflaster von entel blindstrichen gemacht vnd gerissen sei/ damitt / so die balcken vnd das gebritter/ verzeichnen vñ außgerissen/ man das oberig außwischen möge/ darnach so das gāh pflaster also entworffen ist/ halt dich dieser regel: Nim die zwerch des ersten steynß / durch auß nach der brente / ober das gebritter für eynn balcken/ dem zeuch oben das drittheyl des balckens für




die dicke ab / und zeige dasselbig dinstehen mit einem stich an / darnach nim
die negsten folgenden zweien stich für das gebitter / an das gebitter / und dem zeuch auch (wie
aber für ein balcken durchlauf über das gebitter / und dem zeuch auch) (wie
dem vorigen) ein dinstehen für die dicke ab / und dan aber zweier stich
platz für das gebitter zwischen den balcken: Den stichenden stich
für ein balcken / dem zeuch die mitte durchlauf
für ein dicke ab / wann sie ferner die balcken hinein
kommen / sie dicke die dicke angezeiget muß
werden / und die dicke sie schmäler /
und hast dich nach der ersten
und zeige mit den stichen
an balcken so lang du stich hast
darnach so verzeichne das gebitter
nach langes zwischen den balcken herab / und
wisch die blinde stich alle auf / so wird es enge
recht Perpectivische büne / wie die obgeschaltte figur / so mit
dem voren blinde stich beschnehet / und die nach
folgend (darin der blinde stich außgeschalt)
clippischen verstand und

anzeige geben.


Von dem Beckichten Pflaster wie mans machen sol.

Bgleicherweise will ich dich leren/ das Beckicht pauiment oder pflaster zemachen. Zum ersten mach eyn gefiert pflaster/ mit linden kolen/ wie das lest theyl inn dem fünfften Capittel mit seinen roten creutzlinien außweiset) darnach so streich die zwerchlinien vnd creutzlinien mitt schwarz gar auß/ darnach setz dein richtscheidt vff die negst zwerchlini/ vnder der creutzlinien/ oben da die 2 stehn/ vnnnd vnden auch vff den negsten puncten oder abtheilung der steyn/ am end da auch 2 steht/ vnnnd reiß eyn lini mit schwarz/ diß thû so vil du vnden puncten oder abtheilungs stiplin der steyn vnd überzwerchlinien/ vnderwerts dem creutz hast / vñ aber im fleynen ort zusamen in eyn zwercheck kommen/ darnach wüsch die herabgehenden linien auß/ so wirdt es wie diese nachgestelt figur außweiset.




Von dem Rautigen Pflaster.

Derautigte Paviment oder pflaster/ werden erslich in
 aller massen gemacht vnd ganz außgerissen/ mitt creuzlinien vnd
 all/ wie die geuerten/ darnach so wirt iede platz/ zwischen zweyen
 steynen/ es sei in breyte oder lenge/ mit eynem stiplin oder nebenrißlin gemit-
 telt/ wie man vnden/ oben/ vnd vff den seiten der figuren/ sehen mag. Dar-
 nach so nim die mittelüg oder stiplin oder rißlin vndenwendig dem Creuz/
 vnden da das i oder a steht (welches ort dir am ersten geliebt) vñ far hinuff
 widerumb vff die mittelung der breyte des steyns/ abermals vnder dem creuz
 da i oder a steht/ diß thû so lang du mittel pünctlin hast. Darnach so halt
 dich gleicher regel/ vñ dem andern ort der mittelung/ vnden da a oder i steht/
 vnd far aber hinuff biß vff die mittelung vndenwendig des creuzes/ biß da
 sein gleich büchstab oder ziffer steet/ so komen die Linien creuzweise übereyn-
 ander. Gleicher gestaltt halt dich obwendig der Creuzlini/ alles so lang die
 mittel stiplin weren/ so du dich dessen hälttest/ wirdt darauß eyn recht rauti-
 ge figur/ die sich nach Perspectiuischer art/ zûförderst breytet/ vnd zûhinderst
 verkleynert oder schmälet/ wie hienach getruckt ist.




Runde pflaster zemachen / darā ist nichts besunders
 außmessens / nür daß also ablengende runde zirkel inn die vie-
 rung der steyn / vmb wolstehns willen / gerissen / wann es gibt eyn
 schöne gestalt / darumb hie nit weiter dauon meldung beschicht.



R Das Sibend Capittel von
 der Quadratur.


Wer fürter ist vō nöten zu-
 wissen was Quadratur sei / dar-
 uff sprich ich: Quadratur ist / das sich auß-
 theylet in vier eck / als eyn geheuse / inn eyn
 Pauimēt / eyn Būne / dwo seiten wend / vñ
 eyn gegen oder vorsichtige wandt / wie inn
 der gößern figur hineben angezengt wirdt.
 Aber die andern klynern figuren drunder /
 neit man auch Quadraturen / wiewol die
 eyn ablenget ist / iedoch dieweil sie vier ecke
 hat / wirdt es auch eyn Quadratur gnennt.



¶ iij


Das Acht Capittel von etlichen Linien/vnd erstlich von der Richtlinien.

S Errer ist auch von nöten/seitmal dem gemeynen hant-
wercksman/die namen der Linien ennsältig/als richt/zwersch/han-
gend/übersich gehnd/vnd creutz linien/hierinn gnennt sindt/das da
von auch enn verstantlich anzege beschehe/warzu man enn iede lini brauch.
Darumb soltu erstlich wissen/das durch die vffrecht oder richtlini/gmeynt
wirt/alles was vffrecht steht/es seiend wen/seulen/pfosten in fenstern
die gesims vō den schornsteynen oder caminen/altâr/schrägen/
stül/bänck/gelenter/schänck oder behälter/thüren/läden/
vnd alles was ganz gegensichtig ist/nach
anzenq dieser hienachge-
setztenfigu-
ren.



Von der zwerchlinien.


Sei dem wort zwerchlinien/ müstu verstehn/ alles wes die zwerch vnd darbei gegensichtig gerissen wirdt/ alsda sindt die balcken vnd ire dicke / die oberntheyl der vierecketen gegensichtigen fenster/ ober vnnnd vnder theyl der gegensichtigen wende/ zwerch genge/ vnnnd zwerch der gegensichtigen gesims/ an fragsteynen vnnnd capitälen/ der gegensichtigen träplingen/ gesims vñ fuß/ der schornsteynen oder caminen/ gefierter seulen/ das fordertheyl der disch/ betth/ vmbhäng/ betthladen/ altär stüle/ kisten/ schänck/ bänck/ die dicke der thüren/ fenster/ vnnnd der hollen schenck oder behälter in mauren/ auch dergleichē was die zwerch off im hat/ vñ gegensichtig ist/ nach außweisung der hienachgesetzten figuren.



B iiii


Von der hangenden linien.

Es sind auch inn diesem büchlin/hangende vnd seiten linien benannt/alsda sind Balcken/die lengde zum puncten hinreichend/ wie inn der ganzen figur hernach folgende / darinn die Betthlad mitt irem ombhang steht/begriffen/ die seitten vō ombhänge/die seitengång/schänck oder behälter/laden/ fenster/ schornsteyn oder camin/thüren/wende/vnd obertheyl der dächer/fenster vnd gesims/es sei an heusern/dächern/fragsteynen vnd capitälen/vñ alleß was oben herab/ zum puncten hinzü reichend / oder lendend/ gefunden wirdt/ nach anßeng der nachgestellten figur.




Von den vbersich gehnden Linien.

Erst hastu oben von den linien gehört / nun zum letsten werden hierin gemeint / alles was vñ vnden auß zum puncten vbersich sihet / alsda sind die langen vbersichziehend pflasters linien / der dyck / stül / benck / vndertheil der schänck / der sess an fenstern / vndere gesims / an fenstern / der träpling / der wend / schrägen / kisten / der pedestäl oder füß an den viereckete seulen / der altär / windelstegen oder schnecken / vñ alles waruff man sihet / oben zu / das wirdt alles mitt seinen linien vbersich gerichtet / wie diese figur hernach anzeiget.




Von der Creuz linien.

Echte Creuzlinien werdent diese gemeynet / welche creuzweise übereinander gehn / sie seien also $+$ oder dieser gestalt \times oder leigende linien / wie die ihenigen / so man in den Pauimenten oder pflastern / zu abtheilung der steyn brauchet. Dierweil aber bei derselben figur klärlicher hievor dauon gesagt / so istis hie vberschritten.




Das Neund Capittel gibt anzege/wie
man die geheuse vnd ire ingehörde/nach
dem gegensichtigen puncten/richten
vnd machen soll.

E haben die vorigen Capittel gütten bericht vñ anzege von dem Pauiment vnd den bünen/auch etlichen linien geben/
Nun ist auch von nöten/ die hierin gemalt oder getruckten figuren
ires innhalts zuerklären/daruff gib ich dir diesen vnderricht. Erslich/ so du
eyn ganz gegensichtigs geheuse (wie diese hieuorgetruckte geheuß figur ist)
machen wilt/so müstu von allen ecken/nemlich von dem obersten lincken ort/
vnd vnden an das recht ort/dein linial setzen/vnd eynen rißoder lini mit lin-
den kolen thun/darnach setz das linial oben vff das recht ort vñ vnden vff
das linck ortt/thu aber eyn riß/mit linden kolen/so gewint die form eyn solch
✕ vnd in der mitte des creutz da es über eynander schrenckt mach eyn stip-
lin also . das neit man dan den puncten. Darnach so du das gethan hast/so
reiß eyn überzwerche lini/ demnach du das geheuse dieß oder seicht/ oder die
hinderst wandt nahe hieuorn haben wilt/demselben riß gleich vñ lenge: Thu
obwendig des punctens auch eyn überzwerche lini/ so hastu das pflaster vnd
die büne ab verzeichnet. Darnach thu zwo richte linien vff ieglicher seiten/
deren iede die ober vnd die vnder überzwerch lini berenck/ so hastu inn
dem geheuse eyn pflaster/eyn büne/zwo seiten/vñ eyn gegensich-
tige wandt / vnd in dieser massen werden alle ding erslich
formirt/vnd in gestalt eyns geheuses bracht/vñ dar-
nach das pflaster/büne/fenster etce. vnd alle
ding müssen vñ dem eynigen mittel pun-
cten angemessen werden vnd auß-
geen/so wirdt es gerecht.




Siem/so diß also wie gemellt beschehen ist/was du dan
 in das gmach haben wilt/ es seien stül/bänck/schänck/tresur/disch/
 camin/beth/vnnd dergleichen ding/ da soltu erstlich die höhe dersel=
 bigen/durch die überzwerch linien reißen/ deßgleichen durch die vff
 rechten linien/wie du dann inn diesen zweenen hieuor getruckten figuren/erse=
 hen magst/das erstlich die forderthenl der disch/schänck/bethladen vñ bänck/
 vnd was gegensichtig ist/gerissen soll werden/vnd darnach von ieglichem ort
 es sei vnden/oben/oder beiseits/allemaß das linial oder richtscheidt/vff das
 eyn ort (was anderst die seit haben soll) gesetzt werden/ vnd darnach vff den
 puncten/vnd thû ennen riß obenher/ darnach setz das linial oder richtscheidt
 vff das ander ort/vnnd aber vff den puncten/so wirdt es gegen dir dick/vnnd
 verlewert sich ie lenger ie baß gegen dem puncten zu/ also das es eyn zierliche
 vnd gebürliche verkleynerung/nach art vnd engenschafft der kunst gewinnet.
 Darnach was oben die fläche hat /daruff man sehen soll/alsß disch/schänck/
 bänck/bethladen/vñ dergleichen/sol mann oben von ieglichem ort der zwerch
 lini/das richtscheidt vff das eyn ort vñ den puncten setzen vñ eyn riß thûn/dar
 nach wider an das ander ort vnd den pucten / vnnd abermals eyn riß
 thûn/ so kumt es fornen zusamen/ fast gleichend eynem trechter/
 darnach so thû ennen überzwerchen riß / demnach du den
 disch/die bethladen/ stül/ bänck oder schänck/ dieff
 oder langf/inn dem geheuse
 haben wilt.

℥.



In werden hernach die thüren vnd fenster (welche
 nitt die breyte/ als thisch/ schänck/ bänck/ vñ bethladen/ vff inen
 haben) wie man die machen soll/ vff eyn andere mas angezengt/
 dann die disch/ bänck vñ bethladen/ werden von den überzwerch
 linien gnomē: aber thüren/ fenster vñ schornsteyn/ auß den vffrechten linien.
 Darumb von ersten/ so du eyn thüre machen wilt/ so thū zwo vffrechte lini-
 en/ welche wol biß über die halb wandt hinuff reychenn/ das ist die dicke der
 wandt/ wider welche du sihst/ darnach thū noch eyn vffrechte oder richtlini/
 baß zū dir/ höher dann die ersten zwo linien/ darnach thū eyn
 überzwerch lini oben an den ersten zweyen richtlinien/ welche
 die dicke der mawren anzeigen/ so gewiñt es eyn solch gestallt.
 Darnach setz das richtscheidt vff daß eyn oberst ort/ vñ vff den
 puncten/ thū eyn riß biß zū der andern vffrechtē linien/ so nā-
 her zū dir steht/ vñnd darnach stell abermals das richtscheidt
 vff das ander ort/ vnd widerumb vff den puncten/ so wirdt da
 mitt angezengt/ die ober dicke der thüren/ vñnd wiewol die et-
 was schmāler von gesicht dan die ander wirdt/ so hat sie doch
 ire gerechtigkeit die sie haben soll/ vnd inn dieser massen thū mitt den dickten
 der fenstern vñnd gesimsen oder sessen vor den fenstern auch/ vnd allweg die
 negst richtlini zū dir/ soll eynfach/ vnd die annder/ gegen die du sihest/
 doppel sein/ vnd wo dich die öbern vñnd vndern ecke der dickten/
 das ist die zwifach lini vñ dicke der mawren darwider man
 sihet/ vñ der punct (so das linial vff die bede gsetzt)
 hinweisen/ dem volg nach/ so gewinnen alle
 ding eyn gestallt/ wie inn den vorigenn
 dreien figuren völliſſlichen ange-
 zengt wirdt.








Sistu bißher von den innwendigen geheusen/ vñ wie die
zumalen/bericht gehört/ so merck weiter: Es hat mitt den gassen vnd
heusern/ so man daruff außwendig ansihet/diese gestallt: Was von
gängen mitt gesimsen gemacht soll werden/da muß man vnden dar=
widder sehen/darumb ob wol oben vff den gengen auch gesims findt/ so kann
doch eyn bild oder mensch/so vnden vff der gassen steht/ nitt mer dann eyn ge=
sims/so vnden für geht/oder das vndertheil von den gesimsen/vnd nitt oben
daruff sehen/ wie die nechst hieuor gestellten zwo figuren außweisen.

Vnd also müssen solche geng geordnet werden / daß sie vff daß
geringst zweyer bild (so man vnden/ inn/ oder vor das ge=
heuse machen solt) hoch angefangē werden zemach=
en (were besser dritthalb bild hoch) wo auch
oben der gebel des dachs erwindet/mußt
du das linial anschlagen/vnd vff
den punctē stellen/das gibt
der fyrsten riß.

Das zehendt Capittel/sagt von den gebewen
als nemlich gewelb/so inn den zirckel ge=
richt werden sollen.



Q iiij

In Kirch oder eynen Sale/ so mit seulen vñ gewelben
gerüst sein sol/ mach also: Erstlich reiß das pflaster mit den gefier-
ten steynen (doch anderst nit dan mit blindstrichen) vñ verzeichne
eyns halben steyns/ platz/ zu dem Postament/ Pedestal oder vnder
theil der seulen/ laß dan zwischen der andern negstuolgenden seulen/ vnd der
ersten/ mit dem halben steyns platz/ das an dem steyn des pedestals der seulen
obert/ vierdhalben steyn / dan verzeichnen abermals eyn fuß eyner seulen/ vñ
der ordnung nach halt dich/ so lang du steyn hast/ so werden die seulen ie len-
ger ie kleyner/ nemlich die pedestal oder fuß der seulen/ nach den steynen/ vnd
die seulen schmaler oder dünner nach de pedestalen/ dan von den füßen müst
du zwo linien zu berg vff führen/ schlecht/ oder aber nach welscher art/ mitten
bäuchet/ so werden auch die seulen/ nach den plätzen vnd verliering der steyn
plätzen/ ie lenger ie näher bei eynander komen/ vnd verliern sich nach rechter
Perspectiuischer art/ wie das muster hiefornen anzeiget. Darnach reiß das
Capital/ oben vff die forderst seul/ vñ wo es oben erwindet/ da setz das linial
vffs eusserst ort/ vnd vff den puncten/ thū eyn riß biß über die innerst wandt/
darnach setz aber das linial vff das ander ort des Capitals/ vñ auch vff den
puncten/ reiß widerum zum puncte/ doch sollen alle diese linien blindlinien
sein vñ mindert anderst zu dienen/ dan das alwegen die Capital von den an-
deren seulen eben mitt beyden orten/ an den enden/ da die seulen vffrichtig zu
gehn/ anrüren/ so bringstu damit zuwegen/ daß sich die Capitale allsanfft/
nach größe der seulen verlieren. Willtu dan eyn gang vff die seulen machen/
so reiß abermals forn gegen dir/ den gang mit seinen gesimsen vnd seiner hö-
he/ mitt zwerch vnd richtlinien/ darnach setz dein richtscheidt vff das eyn ort
des gesimses/ vñnd an den puncten/ thū eyn riß biß zu der innersten wandt/
darnach setz das linial an das ander ort vnder dem ersten vñnd dem puncten/
thū im wie ick agezeigt/ so gewiñt das gesims sein dicke/ darnach ruck das li-
nial an das negst eck vnder den ersten zwey linien/ so machstu den überschuß
des gesims/ wann so manchmal du ein gesims über das ander stellst (es sei dan
das du eyn halb schwenffung von stab vñ kelen machen wilt / wie das muster
hernach anzeigt) als oft müst du vff der seiten den überschuß mit eyner sunde-
ren linien reißen/ darum so manch gesims du machest/ so oft wirdt er vff der
seiten doppel/ das bringt der punct zewegen/ vñ so manch eck die gesims vñde
oder oben haben/ es sei auß oder inwert/ so mancher riß müß biß zum punc-
ten geführt werden/ vñ ist darum/ daß man sich dest baß darnach richten mö-
ge. Dessen aller volgt eyn ganz außgemachte figur / vñnd wie man fürther
das gewelb machen soll.




Recht dich darnach zum gewelbe also. Reiß inn den
 obersten platz der bünen/ abermals eyn gefierd pflaster/ wie vñ-
 den/ verwerff oder überhupff zweyer steyn platz/ vñnd nim den
 dritten steyn für den fragsteyn/ in seiner breyte/ vñ reiß von erst
 sein gesims/ mitt seinen zwerchlinien/ vñd der hindersten richt linien/ vñ reiß
 das gesims/ so hoch vñd lang du es haben wilt/ darnach reiß von allen ecken
 des gesims/ es sei außwarts oder inwards/ vñd vñden da er erwindet/ linien
 von blindrissen biß zum punctenn. Darnach so nim abermals zweyer oder
 dreier steyn platz/ zwischen den fragsteynen/ nachdem dich selbs güt duncket/
 vñd darnach du das gewelb/ krauß oder weitsperrig/ von eynander wilt ha-
 ben. Wiltu aber auch seulen vff den gangß haben/ vñder die fragsteyn (wie
 es dann zierlich steht) so müstu die richte der vñdern seulen vfffüren/ in rech-
 te richte/ biß vñder den fragsteyn (doch daß der gangß mit richtlinien vnuer-
 seret bleib/ vñd wie die seulen dich von vñden hinuff weisen/ dem müstu nach
 volgen/ alßdā so darffstu des pflasters inn der höhe oder bünen nit/ sunder
 bleibst wie dich die vñdern seulen/ mitt irer richte hinuff weisen/ so reiß dein
 gewelb/ wie ich dich hernach von den fragsteynen vñderweisen werde. Nem-
 lich wie ich dir vorgesagt hab/ souil platz du zwischen den ersten seulen vñnd
 fragsteynen läßt/ es seien zwen oder drei steyn/ souil müstu den anderen auch
 lassen/ so verliern sich die fragsteyn ie lenger ie mehr/ vñ werden fleynner nach
 den steynē. Wiltu dā die dick des fragsteyns habē/ so nim sie halb als breyt
 vff der seiten/ alßdu den fragsteyn von seinen gesimsen inn den zwerchlinien
 gerissen hast/ vñnd das oberst zwischen den zweyen blindstrichenn/ wirdt eyn
 hangends rißlin/ das ander darnach/ so den überschuß anzenget/ wirdt mitt
 eynem zwerchrißlin/ biß zur blind linien gerissen/ das ander darnach wider
 mitt eynem hangenden rißlin/ vñd abermals der überschuß mitt eyn zwerch
 rißlin/ der lere hallt dich/ so lang du gesims hast. Willtu darnach das gwelb
 vff die art des musters haben/ so setz deinen zirkel dermassen/ daß eyn schwi-
 bogen hinden von dem zweyten fragsteyn des rechten orts/ angee/ da a steht/
 vñnd vorn vff das hangend oder seitten / des lincken fördersten fragsteyns
 reych/ da aber das a steht/ dasselbig süch fornen inn der anzengenden vn-
 außgemachten figur der kirchen/ vñnd also mach so manchen schwibogen riß
 alß manchen stab oder fele du am schwibogen haben wilt/ darnach richt den
 zirkel inn vorgestellter weite/ ieglichs schwibogens/ stab vñd felen riß/ so du
 vorhin gerissen hast/ dermassen daß der hinderst zirkel riß/ vff dem zweyten
 fragsteyn hinden anreych da b steht/ vñnd vff das hangend recht ort des för-

dersten fragsteyns da aber b steht/ fornen an reych/ vnnnd reiß alle stab vnnnd
felen zirckel riß/ wie vorhin/ wie solche puncten alle/ durch büchstaben/ des=
gleichen ire zirckel oder schwibogen riß/ auch durch ire gleiche büchstaben ver
zeichnen hab/ also thû te vom zwaynten vff den dritten/ vñ vom dritten vff den
vierden/ alles geschrencket zirckel riß/ so komien allemal die schwibögen creuz
weise übereinander/ vnd wann du also zwen creuzriß gemacht hast/ so mach
allemals eynen gankenn zirckel riß/ der inn der mitte des fragsteyns vff dem
eck/ vom zwaynten fragsteyn/ vff den zwaynten/ vom dritten vff den dritten/ vnd
also fortan/ inn halber zirckels höhe/ so lang fragsteyn da sindt/ also daß das
letzte eyn halber zirckel riß sei/ wie das muster außweiset: So müstu inn der
mitte/ irer zusamentreffung/ den mitteln schlußsteyn verzeichnen/ darnach
nim̃ hinden die brenne des schlußsteyns/ thû zwen blindriß zum puncten/ dar
nach so mach allemal deine schlußsteyn vff ieglichem geschranckten zirckel riß
daß sie die beyde blindriß berennen/ so verlieren sie sich nach rechter per
spectiuischer art/ gantz proportionirlich. So nun die schwibögen
außgerissen sindt/ so thû eyn richtlini vom vndertheil des
fragsteyns an/ biß an den negsten schwibogen über
im/ so gwint es eyn ort eyns gewelbs/ vñ seiner
vffgeführten dieffe/ vñ wirt den fenstern
stat platz geben/ dieselbigen auch iñ
die wende zureissen/ wie solchs
die gantz außgmacht figur
hieformen gesehet
anzeigt.

Wie man vff eyn andere maß oder
weise/eyn gewelb machen soll.




Nu jme also: Was gewelb du vff seulen machen wilt/
die müssen alle vff pflaster gesetzt werden/ damit man die seulen in
rechter massen von eynander setze/ vnd keyne weiter von der ande-
ren komme/ dann die zal der steyne jne weist. Dierweil aber diese gattung der
seulen in nachuolgender figur eyn grössere platz (dañ die runden) erfordern/
so hab ich deren Pedestal/ Postament oder füß/ anderthalben steyn gegeben/
vnd die mittel platz zwischen zweyen postamenten oder füßen / dritthalben
steyn geordnet/ meins erachtens es stehe proportionirlich/ vnd darumb so sag
ich/ du müst zum ersten daß forderst Postament / mitt seinen zwerch linien/
vnd den vffrechten linien/ vnd dem zweyten gesims oben vff dem postament/
abreißen/ darnach setz das linial vff alle ort vnd eck/ die die zwerchlinien den-
gen mögen/ vnd thû blindlinien durch auß biß zum puncten. Darnach so du
dañ das ander oder zweyte Postament machen wilt/ so rechen/ daß es vnden
anfahet da die dritthalb steyn platz erwinden/ vñ thû dañ vom ende des pfla-
sters hinuff eyn richtlini/ biß da du die fragsteyn anfahen wilt/ vñ so manch
übersichgende lini/ du vom fordersten Postament oder füß/ biß zum puncten
hast/ also manche zwerchlini mach/ die biß an die übersichgeende lini reiche/
vnd auch inn der dicke sei/ als dick dieselbig übersichgeende linien anzenge/
so komen alle ding nach eynander proportionirlich/ vñ wo die oberste gesims
formen an dem überzwerchen/ vñ darnach den übersichgeendē rissen/ zusamē
treten daselbst füre vff zwo richtlinien biß vnder den fragstein/ was auch vñ
fenster dicke sindt/ daruff man sehen mag/ als am vndernthel/ die sollen vn-
den mit eynen duplen übersichgeenden blindlinien gerissen werden/ was aber
oben inn der höhe ist/ da soll man die vnderthel/ dawider man sihet/
inn der dicke reißen. So du auch ettlich träpling machen
wilt/ soltu von erst jr höhe vnd außschwenffung mit
zwerchlinien reißen/ vñ darnach von allen or-
ten/ ecken/ vñ wo eyn scherpfe in eyn eck
zusamen kumt/ dein linial daruff
stellen/ vñ vff den punctē/ so
verlieren sich die trāp-
ling nach rech-
ter art.




Q

Beynem Gewelb/ so du vff die art haben wilt / müsttu
 ime also thün: Erslich so die fragsteyn nach vffführung der Seulen
 vom grund vff/von rechter weitte geordnet sindt/ thü wie ich dir inn
 der vorigen gewelb figuren der kirchen angezengt hab. Stell deinen
 zirkel dermassen/ daß er seer nahe inn der mitten des ersten fragsteynes / der
 zwerchlinien/ am lincken ort angee/ vñnd vff den zwayten fragsteyn des rech-
 ten orts/ in dem ort vornen zu/ an der hangenden linien anrenche/ denen reiß
 dan so manichfach (alles in eyner weite) souil du stäb vñ felen darin haben
 wilt/ also thü ime vff der rechten seitten zogleicherweise/ so kommen die bede
 zirkelriß creutzweise über eynander/ in dasselb creutz verzeichnen den schluß-
 steyn. Darnach für abermals eynen halben zirkelriß von dem ersten vff den
 ersten/vñ nach gemacht creutz zirkelriß/vñ dem andern vff den andern frag-
 steyn/vñd daß derselbig riß gleich vornen im eck der überzwerch vñd hangen-
 den linien/vornenzu/vffgeführt werde/ darnach stell den zirkel dermassen/
 daß eyn zirkel von dem halben theil des halben runden zirkels/ überzwerch
 biß an schlußsteyn gehe/vñd vom schlußsteyn gleich wie der zirkel gestellt ist/
 vñdenwendig des schlußsteyns hinab faren / biß an das ander halbtteil des
 halben zirkels/vff die ander seite/ also/ hastu den zirkel obwendig des schluß-
 steyns/ an dem rechten ort angefangen / so muß er hinüber vñdenwendig des
 selbigen schlußsteyns am lincken ort erwinden. In gleicher gestallt thü vff der
 andern seiten auch / so wirt es wie das vorangezengt muster außweist/
 wiewol die eben maß des zirkels/ im muster nit gehalten worden
 ist/dan mich bedunckt es wolt zugar runden/vñ eyn miß-
 stalt geben/ vñ ist doch vñdenwendig des schloßstey-
 nes alleyn die zirkelmaß nit ganz gehalten/
 steht alles zugfallen des reiffers / dweil
 damit der gerechtigkeit der Per-
 spectiua nichts abgebrochē/
 vñ ist hie gemelte fi-
 gur ganz auß-
 gemacht.



211

Eyn gemawert geheuse / so noch nit außgemacht /
 mitt seinen gezimmerten inngewerren / als näm-
 lich Balken vnd anders darzu dienend.







Du eyn Geheuse/so noch nitt außgemacht/ oder dergleichen etwas vō balcken machen woltest/müstu den triangel platz da iezundt in dieser figur die vndersten balcken ligen/vñ mit blindlinien gerissen/ zu eynem gewierten pflaster ordnen/ vnd nim̄ eynes steyns brente für eyn balcken in der zwerch durchauß/ orden darnach ie zweyer steyn platz zwischen dem ersten vñ zweyten balcken/ nim̄ darnach den vierten steyn/ aber inn der zwerche durchauß/ vor eyn balcken / vnd nim̄ iglichem steyn eyn drittentheil ab/ vor eyn dicke/ aber dem vierdten balcken vñ den andern darnach/ nim̄ iglichem das halbtheil vor eyn dicke / dann ie ferrer man sihet/ie schmäler werden die balcken oben/aber die dicke scheint grösser zu sein dann die brente. So du nun dein pflaster also zu balcken ordnen willst/so nim̄ die dicke des grösten balckens (wie vor gehört) das dritttheil/vñ vñden im eck da 1 steht/da thū eyn blindriß durchauß/biß zum puncten oder der innersten wanndt/da du mitt dem pflaster erwunden bist/ das gibt dir die förderst lini der masuern/daruff die balcken ligen/darnach thū noch eyn blindlini da 2 steht/biß zum puncten zu/ das zengt dir dann die dicke der masuern. Vñnd also müssen alle balcken vñden biß an den selbigen anrühren. Darnach thū wider eyn blindlini oben da 3 steht/ biß zum puncten / die lini gibt dir dann die dicke der balcken/wann von der linien da 2 steht / biß an die annder da 3 steht/müstu eyn richtrißlin thūn/ so hastu alsdann die dicke/ vñ so brent der steyn ist/über die abtheilung der dicke/ muß der zwerch riß biß an die blindlini 3 anrühren/ vñnd also hallt dich/ solang du steyn zu balcken abuerzeichnen hast. Aber die mitteln balcken/die soltu nahend von der dicke machen/wie die vndern balcken. Darnach mach eyn blindlini/ von dem ort oder ecke da 4 steht an/ biß zum puncten/ das gibt die abtheilung der andern oder zweyten masuern/daruff die ander ordnung der balcken leigen sol/darnach thū wider eyn blindriß/von dem ort da 5 steht/biß zum puncten/damitt zengst du oben die dicke der balcken/dann es müssen alle balcken/inn der ordnung/an dieselbig ober linien mitt 5 gezeichnen/reichen/so sollen auch die dicke derselbigen balcken/grösser verzeichnen werden dann die fläche/ also daß der dicke zweythel/vñ der fläche eyntheil/ zugeordnet werden sol/ daß dieselbig ordnung der balcken/leigen gleich / als wann eyner inn eynem nideren gemache steht/das nit vil über neunthalben oder neun schühe von der vndern dünen/biß an die balcken were/so scheinen die balcken gegen dem gesicht dick/ vñ vñden vñ jrer fläche schmal/vñ scheinend gar nahe beieinander leigen/daß man wenig platz zwischen inen sihet/aber ie höher man übersich sihet / ie dünner beduncken eynen die balcken von jrer dicke/vñ ie brenter von der fläche. Dar-

D iij

umb so nim̄ die dicke des fordersten balkens/in̄ drittenn gestöck/oder inn der
dritten ordnung der balken/da 6 steht/vnd thū eyn blindriß biß zū puncten
oder der innersten wandt/das gibt die oberst höhe der dritten stoek wandt/vñ
darnach thū noch eyn blindlini/von den obern zwerchlinien des balkens/da
7 steht/das gibt dir abermals die dicke/wie dick die andern balken nach irer
art vñ ordnung sein sollen/dañ es müssen alle balken/ an die ober lini
da 7 steht/anrüren. Sunst mit fenstern/düren/schornsteyn/vñ
dergleichen dingen/ helstu dich wie vorgemeldet/ vnd wirdt
darauf eyn solch geheuse wie diß volgend figur auß
weist/ vñ weiter vñ merers berichts willen/
aller iezgesagten meynüg/ist gleich dar
nach eyn ganze figur eyns geheu-
ses/mit bildnussen gesetzt.



Q iii




Hie hat nun eyn end/wie man Pauument oder pflaster mach-
 en/vnnd ferrer inn geheuse formiren soll/vnd volgt hernach/wie
 man zu geheusen/etwo eyn puncten vff die seit ruckē
 soll/vnnd war zu solchs dienlich sei.


Von dem seiten puncten.

Eleich wie in vorigem inhalt diß büchs / ist meldung be-
schehen von dem richtigen puncten / zu mittel inn eyn gerichtete qua-
dratur gestellt / also ist auch nun zu wissen von nöten / daß man zu-
zeiten den puncten vff seit ruckt / vñ damit vil schöns gemäldes zuwegen brin-
get / daß in eyn seiten geheuse mag etwo allerley gemäldes / in eyn außladüg
bracht werden / das in eynner quadratur / so die in gleicher lenge ist / nit gesche-
hen kan / daß die kürze der wandt in der quadratur / solchs nit erleiden mag.


In eyn seiten puncten eyn geheuse zurichtenn / muß der
punct nitt auß dem mittel des creukes / von allen vier orten zusam-
men geführt / genommen werden (wie in der vierung) sonder du magst
den seiten puncten deins gefallens richten / hoch oder nider / ferr vff
die seit / oder nitt zuferr / etwo inn die drei theil deins gemäldes / etwo gar an
das eyn ort rucken / dann willst du vil materien inn eyn geheuse haben / so müst du
den puncten ganz vff der ort eynes hinaus gehn lassen / vñnd höher übersich
rucken / daß die halb lenge der formen in jr hat / so wirt die büne kürzer / vñnd
das pflaster lenger / ich rath aber wenig darzu / daß wann du den puncten ge-
rad in die mitte der lengde der formen / vñnd doch an das eyn eusserst ende stel-
lest / so gewints dannoch eyn fein proporck vñ bringst vil materi dñ zuwegen.




In so du das pflaster (wie ick gehört) inn eyn seiten puncten (als die obgestellte figur) richten wilt / thû im also: Bedenck zum ersten / willst du eyn seiten geheuse machen / daß doch eyn wandt vmb eyn drittheyl lenger dan die ander sei / daß du stellest den punct vff eyn drittheyl nahe / bei das end der eyn seiten / darnach stell das richtscheidt / oder linial vff das eyn ort vnd vff den puncten / also thû auch vff der andern seiten / so wirdt eyn ablengeter triangel / dem thû fornen aber eyn zwerchlini für eyn schwell der iñersten wandt. Darnach nim̃ eynen zirckel / theyl das vnderst theyl / das es gerade linien / als acht / zehen / zwölff oder vier zehen / mitt den zweyen eussersten / gewinn / so werden vngerade plazen der steyne / darnach stell das linial vff iglichen vndersten puncten der abtheilung / vñnd vff den seiten punct / vñd reiß linien von der wandt an / solang du puncten der abtheilung hast / darnach so das gethan ist / setz das linial vff das eyn vnderst / vñd das lengst ort / vñd fahr hinuff / so hoch dich güt dunckt / vñnd du die Steyn gern breyt oder schmal haben wilt (aber meins bedunckens / wer die gestellt form die best) so du nun das gethan hast / so stipff eyn pünctlin vff das mittel des mittelsten plaz oder steyns vñ der halben creuzlinien / so dich am aller gleichsten im̃ mittel sein duncken kan / darnach stell dein linial vff das kürzst ort / vñd das mittel stiplin in der creuzlinien / so wirt es wie solchs hie gmacht steet.



S Ehe nun diß hieunden getruckte Figuer / dann so du
 ih und das Creutz gemacht / vnd mit zwerchlinien (wie hienor ge-
 meldet) außgerissen hast / gewinnt es enn soche gestalt.



Eist diß hernach gesetzt seiten geheuse/ dermassen ge-
 machet/ daß man erstlich den puncten gesetzt hat/ inn die mitte des
 innersten wändlins (wie man noch eyn kleyn schwarzes stipflin
 darin findet) von dannen ist erstlich das Linial vff das eyn lengs
 ort gesetzt worden/ vnd vff denselbigem puncten/ vnd eyn übersich geende lini,
 zu eynem ablengenden triangel gemacht. Darnach ist das ander ort vnd das
 kürzer ende/ auch zum puncten gericht worden/ das hat gemacht den ganzer
 triangel/ vnd die kürzest wandt. Zugleichertweise sol man thun mit der Bü-
 ne/ von iglichem obersten ort oder ende/ eyn lini zum puncten thun. Darnach
 so diese ablenget vierüg gerissen ist/ so thenl dein pflaster auß/ wie vom seiter
 puncten geschriben steht. Darnach mach auß deiner bünen eyn ombgefertes
 pflaster/ gleich wie hieuor angezengt ist / vnd doch mit blindrissen vnd creutz-
 linien/ wie sich zum seiten puncten erhenschet/ darnach nim oben eyn dicke vn
 brente der balcken/ wie dich selbs güt beduncket/ also/ verzeichnen sie oben mitt
 stipflin/ dan so rechen vn miß mit dem zirckel auß/ daß du gleiche plätz
 von eyner größe oder brente/ zwischen den balcken habest/ vnd setz
 vff iglichs gemacht stipflin vnn den puncten/ dein linial/
 so reissestu alle Balcken mit irer dicke ab/ darnach so
 reiß inn dem gemachten pflaster in der Büne
 alleyn die überzwerch liniē mit schwarz
 vnd darnach wüsch auß die ablen-
 geten riß zu puncten zu/ vn
 die creukriß/ so hastu
 die Büne wie
 in volgen
 der fi-
 gur.



Vez ist zemercken/so diß alles also gemacht ist/vnd man
dann eyn außladung oder ercker inns geheuse haben will/so müst du
sie in das lenger ort ordnen/vnd also/wo zugegen du die außladung
hin haben wilt anzugehn/da mach fornen eyn richtlini/vonn dem
pflaster an biß an die büne. Darnach so breyt du sie haben wilt/thû aber eyn
richtlini/vnnd darnach vnden vnd oben/von ieglicher richtlinien/eyn
überzwerch lini/so wirdt es eyn gegensichtig wandt/darnach sek
dein richtscheidt vff das vnderst innerst ort der außladung
vnd den puncten/thû ein riß biß herauß/so geet das
pflaster souil dieffer inn die außladung/zugleich
erweise thû oben auch/am innersten
obersten ort/so geht die büne
auch souil dest dieffer hinein
vñ wirt wie das hieoben
gestellt geheuse.

**Die figur mitt dem duppelen oder
zweifachen gewelbe/die hernach gesetzt/
solltu machen wie volgt.**



E ij


Recht vnd gebrauch dich dieser lere/die figur mit dem
 duppeln gwelb zumachen: Erslich so reiß eyn seiten pflaster oder
 Pauiment/darnach verzeichnen zunegst vnden am end/ eyns stey-
 nes brenste/für das halb Postament/Pedestal oder fuß der seulen/
 wiewol ob du wilt/so magstu zweyer steyn brenste für den fuß nemen/ist aber
 inn dieser figur darumb vnderlassen worden/vff daß die Postament vnd ire
 seulen/ dem innern geheuseder figur/ nit zuvil platz benemen/ darumb ist dem
 pflaster vff ieglicher seiten nit mer dan eyn steyn/ die brenste zu geben/ aber im
 Pauiment oder pflaster / da ist an iedem ort eyn steyn die brenste zu geben/ da-
 mitt das zweyt Pedestal/zweyer steyn brenste überkome/ vnd der innern platz
 nichts benommen werde. Darnach so der fuß der seulen/ mit seinem vnderen
 gesims inn der zweyerche/ vnd mitt seinen übersich gehenden gesimsen/ gemacht
 ist/so füre vff zwei richtlinien biß an das ende/da du das zweyt oder ander ge-
 sims/ vndenwendig den runden seulen haben wilt/ das gibt dir die höhe des
 Postaments oder fuß der seulen/vnd ire brenste/darwider du sihst. Darnach
 so verzeichnen das ober gesims/vff welches du die runden schwibogen stellenn
 wilt/inn der gegensichte/vnd mach daß sie oben brenst seien/ vnd sich ie lenger
 ie mehr vnder sich herab/mit iren gesimsen/ stab vnd felen verlieren/doch daß
 das vndertheil so brenst bleib/ als brenst du die obertheil der runden seulen ha-
 ben wilt/vnd so dieses also zu beyden orten/inn eyner rechten außgemesse-
 nen höhe beschehen vnd gmacht ist/ darnach so setz dein linial oder richtscheit
 vff alle scharpfe eck (sie gehend innwarts oder außwarts) vnd vff den punc-
 ten/vnd thu eitel blindriß oder linien biß zum puncten/darnach laß dreier
 steyn brenste für eyn platz/zwischen dem ersten vnd zweyten Postament oder
 seulen fuß/vnd dann so nim aber eyns steyns platz für das dritt Postament/
 diß thu solang du steyn hast/vnd allemal so laß die obern vnd vnderen gesims
 in irer zweyerche geen vff die übersichgeend blindlinien. Der gleichen lere halt
 dich auch mit den obern gesimsen der fragsteyn/ vnd so du den ersten in seiner
 zweyerche gmacht hast/so laß abermals von allen ecken (sie seien innwarts oder
 außwarts) blind hangend linien/biß zum puncten gehn/vnd sonderlich so
 vil mehr du das hinderst oberst ort der brenste des fragsteynes/auch mitt eyner
 blindlini verzeichnest/ gibt es dir von allen fragsteynen oben die brenste/ dan
 wo von dem vndersten eussersten ende des Postaments oder fuß der seulen/
 in rechter brenste/die richte vffgeführt wirdt biß an die hinderst hangend blind
 lini/vnd wo die richtlini/ dieselbig hinderst hangend lini übergeht/ da mach
 die zweyerche der gesims des fragsteyns/vnd also werden die seulen nach größe

vnd fleyne irer fragsteyn vnd Postament oder fuß / grösser vnnnd fleyner for-
 mirt. Darnach so nim den mittel steyn im Pflaster oder pauiment / vnd das
 halbtheyl ennes steyns inn der breyte / für den fuß der mitteln runden seulen/
 vnd aber über vierdhalben steyns breyt verzeichnen den andern fuß auch hal-
 ben steyns breyt / diß thû so lang du steyn hast / darnach so für vff / zwo richtli-
 nien / wie dick du dañ die rund seul haben wilt / vnd vff dieselbig setz dein Ca-
 pital / was art oder gestallt du es haben wilt / vnd vff das Capital dein frag-
 steyn / daß der oben den seiten fragsteyn sich inn der höhe vergleich / vnd mach
 die gesims vorn gestallt / es sei mitt träpling / stäb oder kelen / wie dir geliebt.
 Vnd thû jm abermals wie vor dauon geredt ist / mach blind hangend linien /
 von allen ecken / hinden vnd fornen / wo es sich ichts erzeigen mag / biß zu dem
 puncten / vnd richt alle mittele fragsteyn / den seiten fragsteynen inn gleicher
 höhe / die auch jnen inn der zal gleich seiendt / so verlieren sich alle gesims vnd
 seulen nach rechter proportz / vnd dem puncten nach / also / da sich der punct zu
 der seiten am negsten zu zeucht / da siht man wenig oder fleyne plätz zwischen
 den seulen: da aber der punct am ferrsten steht vñ das pflaster ablenget wirdt
 da siht man mer plätz zwischen den seulen / dañ am andern ende / vñ das wirt
 dardurch zuwegen bracht / so man rechte vnd gleiche ordnung der steyn / in al-
 len dingen hellt. Darnach mitt dem gewelb / da reiß mitt dem zirkel eyn run-
 den schwibogen / mitt seinem stab vnd kelen / von dem ersten fragsteyn vff den
 ersten der ersten seuln / vñ also fortan vom zwayten vff den zwayten / darnach
 so du das creutzgewelb machen wilt / so stell den zirkel daß er vff das erste ge-
 sims des ersten fragsteyns mitt dem eynen ort / vnd mitt dem andern vff
 das zwayt gesims der runden mitteln seulen reynche / vñ mach eyn
 zirkel riß / darnach stell den zirkel / daß er vff das gesims
 der mitteln runden seulen / mit dem eynen end reynch /
 vnd mitt dem vñreissen vff das zwayt gisims
 der wänd fragsteyn kome / so gewinnen
 die zwen zirkel riß eyn creutz / al-
 so thû mit allen creutzrissen
 in dieser figur / so wirt
 es wie obsteht.

Nachdem nun der zwent Tractat vff jm hat/ zwischē
 der rechten vnn̄d ablengetten quadratur/vnderſchēdt zugeben/
 vnd dan̄ etlich figuren/hie angezeigt werden/die ablenget nach
 dem puncten/vnd doch gleich denen/so inn die richte vierung ge-
 stellt/drei wānd/eyn büne/vnd eyn Pauiment oder pflaster haben/so ist auch
 zuwissen von nöten/das man etwo die eyn wandt außlaßt/deßgleichen man
 etwo nitt mehr dan̄ die halb büne vnd halbes pflaster reißet / vnn̄d das thūt
 man darumb/das man etwo außladung oder Ercker zū dischen/deßgleichen
 zū Altären/machen will/vnd so man die zwent wandt/ welche hierin außge-
 lassen/hinzū thet/würd die ablenget seit zuschmal/eyn scheinliche außladūg
 darinn zumachen/vnd würden dardurch die bildung/die man in̄ die außla-
 dung malen wöllt/zugering vnd kleyn. Vnn̄d darumb so muß der maler/ so
 eyn solch geheuse/vnn̄d eyn materi darinn malen will/ von erst wol incorpo-
 rirn/oder in̄ sich bilden vnd fassen/was er für eyn materi vor hat zumachen/
 vnd demnach eyn geheuse/ime darzū dienlich/mit hülff vñ anweisung dieser
 kunst auffuchen/vnd dem nach reißen/vnd ich seß deß eyn gleichnuß: Hastu
 dir fürgesetzt eyn materi zumachen/die vil personen in̄ jr zuhaben erfordert/
 vnd daß dieselben hin vnd wider zerstreuet stehnd/ vnd dero gern vil in̄ eyn
 form bracht hettest/zū solchem müstu eyn dieß geheuß haben/ vnd das in̄ en-
 ner rechten vierung stehn/deßgleichen zū eynem dank/ welcher die lēge vnd
 vil personen erforderet / auch inn eyn geviertes geheuß sezen. Willtu aber
 Bancket/vnd essens/ auch wie man Mess inn eyner kirchen liest/ vnd darbei
 eyn gseng malen/so ist dir darzū nichts nūkers oder dienlichers dan̄ die form
 der hernachuolgenden figur/ wiewol die etwas eyn schmale oder enge/ vorn
 wegen der darin gestellte seulen/ in̄ jr hat/so hett man sie doch breiter mögen
 machen/so man die eusserst geuiert seul hindan gethan/vnn̄d das pfla-
 ster zwenyer oder dreier steyn bren̄t / neben der vndersten vierung/
 oder dem eck des eussersten schwarzen ranffts (welcher die
 form vñringt oder schleußt) hinuff gefürt hett/ wie
 das clärlich auß der andern darnach volgen-
 den figuren / der außladung mitt dem
 disch vnd baß dann man daruon
 schreiben mag / zuerlernen
 ist/vñ volgt die figur
 mit dem Altar.




Nun steht verzeichnet die ander figur des Sals
mitt der außladung vnd den zweyen dischen.



Folgt war zu diese figur mitt der außla-
dung vnnnd zweyen dischen dienlich.




Vnd aber zu eym Pancket/ wirstu dienlichers oder
geschicklichers nitt finden/ dann diß negstgenante figur/ dan da
hastu zimlichen platz an ieglichem dische/ an dreien ortten perso-
nen zumalen. Vnd ob dich lust/ magstu bei die eussersten zwey doppel fenster
so inn die ründe gestellt/ auch an eynen disch/ an allen vier ortten mitt leuten
(nach irer größe/wie sich deß ends erfordert) besetzt/vñ dannoch von beyden
thüren herein/ anträger oder essenträger/ malen. Willtu auch die plätze des
pflasters oder bodens noch lenger haben / damitt du destmer personen darinn
bringen möchst/ so magstu wol den pücten vñ eyn vierdten theil des plaktes/
so inn diesen figuren obwendig des puncten vnd der figuren/ gefunden wirdt
höher übersich rucken / vnnnd doch den puncten schier am ende des eynen ortes
lassenn/hat mich aber nie wolstehn bedacht/ wiewol dergleichen bei künste-
nern funden. Etlich auch/welche grosse scheinliche bild in jren figuren vñ ge-
heusen haben wollen/die gebrauchten sich deß/das sie keyn büne inn dieselbig
geheuse malen/darumb vnd auß der ursachen/so eyn büne darinn ver-
zeychnet würde/vnnnd nitt anderhalb des bilds/höher hinuff an
die büne platz were/würd es für spöttlich geacht/vnnnd ge-
sprochen: Sehent grosse personen in eym kleynen ge-
heuse. Vñ darumb sag ich/das alle ding beuor
in des Malers sin/zü höchsten bedacht
wollen sein/damitt sich eyns dem
andern vergleich / vñ spart
vil außwüschens/
welchs vedrieß-
lich ist.



Diese figur eyns Schloß/ist volgen-
der massen gemacht.


In ist diese figur eyns schlosses (oder ob man will
burgerlicher heuser) darumb alher getruckt/ ob eynem maler ge-
lieben wollt/ Leute/ die sich inn eyn hofe oder gassen/ empfahen
oder willkommen heysen/ zumalen/ vnd dan andere/ so zu fenste-
ren heraus/ oder über gang abhin sehen/ das mag (meins achtens) nitt wol
geschicklicher/ dan bei vnd neben solchen oder dergleichen heusern (so von an-
deren formen vnd gestallt nussen/ doch durch eyn seiten puncten/ wie diese fi-
gur/ gericht) angezeygt vnd vffgerissen werden/ dann diese figur hat inn jr/
fenster/ gänge/ gaubfenster/ die man auch wol außladungen oder erckern ver-
gleichen möchte/ darzu eynen gang außwendig des thurns/ also das vil per-
sonen/ inn vnd vff dieselbigen/ zusambt denen so hinden vff dem pflaster/ des
gleichen vnder die gänge/ vnd inn das vndergeheuse gestellt/ vnd alle propor-
tionirlich nach rechter lenge/ vnd wie sich das dem geheuse nach erfordert/ ge-
macht mögen werden. Nun ist die abtheilung der seulen erslichen durch eyn
pflaster/ doch alles mitt blindstrichen (one das pflaster so man oben im geheu-
se hat bleiben lassen) begriffen vnd abgetheilt worden/ wie hievor inn andern
figuren mer angezeygt/ vnd darnach das überig/ so durch blindriß gemacht/
außerhalb dessen so nach anzeige dieser figur hat sollen im geheuse stehn blei-
ben/ alles außgewischet. Desgleichen sindt auch alle Capital vnd fragsteyn
sambt iren gesimsen/ vñ zwischen den fragsteynen die gesims/ sambt den obe-
ren seulen vnd iren Capitaln/ alle dem puncten nach/ gericht/ wie hievor ge-
nugsamlich dauon geschriben. Du magst auch auß dieser obgesetzten figuren
mercken vnd abnemen/ wider was fläche oder brente/ eyner so vnden vff dem
boden steht/ vnder sich oder übersich sehen mag/ dieselbige brente muß man im
gemälde anzeigen/ als die obern gesims/ die Capital/ die fragsteyn mitt all
iren gesimsen/ vnd was dergleichen ist/ dieweil eyner/ der hieunden vff dem
boden steht/ vnden darwider vnd nitt daruff sehen mag/ so werden ire brente
vnderwärts vnd oben herab sich ferendt/ verzeychnet/ vnd die Pedestal oder
Postament der obern seulen vff den fragsteynen/ welche man vnden/ so man
vff im boden steht nit sehen kan/ die künen auch hie nit angezeygt werden/ dan
so man den puncten recht bräuchet/ gibt er selbst solchen verstandt/ durch die
hangend lini/ daß man solche Pedestal oder fuß der seulen/ vor dem herüber-
gehenden gesims nit sehen mag. Aber die vndern gesims/ der vndersten fenste-
ren/ zwischen den seulen/ sol man ire dicke vffwärts vñ nit vnderwärts an-
zeigen/ dan daruff mag man sehen/ so man vff dem boden steet/ vñ dieser lere
muß man sich mit fenstern/ düren/ schäncken/ vnd dergleichen/ allwegen hal-
ten. Item wann auch eyn Maler/ eyn stehens oder rennens/ vor eyn geheu-

se haben wollt/so müßt inn solche kleine formen/keyn seiten geheuß gemacht
 werden/sunder alles gegensichtig sein/dañ die renner vnd stecher/erfordern
 breite der figuren vnd nitt die höhe/sunst so man eyn seiten geheuse macht/so
 würde des eynenn stachers oder renners pferdt / gar nahe an die wandt kom=
 men/vnnd nitt vil materi inn den platz/zwischen oder für die seitten geheuse
 bracht möcht werden.




DEn Schnecken oder Windelsteg (wie mann solchen
 nach ieglicher lands art nennet) zumachen: So reiß zum ersten
 das geheuse/ darinn du solchen schnecken oder windelsteg haben
 wilt/vñ an welchem ort der windelstein steen sol/ da reiß zwo hal
 be zirkel linien/mit blindrissen/die übereinander gehn/darnach so reiß zwo
 richelinien von der breyte neben eynander stendig/sodick du die mittel seul der
 windel träpling haben wilt/ darnach so reiß die höhe der träpling alle/eyne
 nach der andern inn der zwerche/ mitt irer höhe vñnd holkelen/biß der oberst
 träpling/ als nahend an die zirkel lini kumt/ daß du feyn träpling mehr al
 so stellen kanst/ dan so verzeichnen die höhe der träpling/ daß sie den ersten in
 irer höhe gleich komen/vñnd dan die dicke des überhangs/ alles eyne nach der
 andern/alsolang du platz biß an die mittel seul hast/ darnach stell dein richt
 scheidt vff ieglichs eck/es sei inwards oder außwärts/vñ vff den puncten des
 vndersten halben zirkels/reiß eittel linien/ so sihstu vñden die holkele biß an
 den zwenten oder dritten trepling nitt/ vñnd darnach wirdstus ie lenger
 ie bas sehen/vñnd also thū ime so lang du scharpfe eck hast. Dann
 so stell dein linial oder richtscheidt vff den obern puncten/
 des obersten halben zirkels/ nim die breyte der vn
 dersten trepling/ vñnd thū als manchen riß/
 du zirkels weise gehalten magst/so wirt
 es eyn form vñnd gestallt/nach an
 zeng der hie nachgetruckten
 Figuren.


Du wirst auch sehen in volgender figur/ wie das gerüst oder
 rüstholtz/ alles nach dem puncten gericht ist/doch vñden nit nach eynem pfla
 ster abgetheilt/ sunder schlechts nach wolgefallen. Vñnd die rüsthölzer
 so auß der mawren gehn/die sollen alle durch zwerchlinien/aber
 die langen seiten hölzer durch hangend vñ übersichgeende
 linien gerissen werden. Es ist auch die Lenter sampt
 iren sprossen/ alles nach dem puncten gericht
 worden. Desgleichen die zwen steyn/so
 vff der erden leigen/mitt irer
 breyte vñnd dicke.



Sir nach dem seiten puncten ist diß vnaufgemacht ge-
 heuse genommen/vnd ime in allermassen gethan worden/wie hievor
 bei der rechten quadratur angedengt ist/darumb vnnöten/hie
 weiter meldung darvon zuthun/darumb es allein zu eynem wol-
 standt/vmd daß man ie gern allerley inn disem büchlin anzeigen wollt/ge-
 macht ist.




F ii



Von den zweyen puncten/wie vnd
warzü die zugebrauchen sindt.

Rechter magstu eyn geheuse / das am eussersten ende
brent sei/ darinn man vil personen stellen möge (als ettlich sun=
derlich über heuffen) nit machē/ noch dienlichers darzü brauchē
dann zwey puncten müstu inn gleicher höhe stellen/ auch in gleicher außmes=
sung vff den seiten/ also daß die breyte der formen/ in drei gleich theyl getheyl=
et werde/ iglichs eusserst theyl vor den puncten/ vnd dan so stell den puncten
daß er inn der mitte der abtheilung stand. Willtu aber die platz vnden im
pflaster noch grösser haben/ so ruck die punctē vff den seitten/ eyn drittentheyl
ires platz oberwarts/ übersich/ so gibstu dem pflaster zū/ vñ benimst der büne
darnach was die seit hat/ da richt igliche fenster/ bänck/ schänck/ düren/ disch/
oder außladung/ nach dem puncten/ so vff irer seiten steht. Aber weß du vom
pflaster oder bünē hast/ da sich die übersich oder hangende linien/ den punctē
nach/ zuuul über ort zihen wollen/ so miß den platz/ der zwischen den zweyen
puncten ist oder bleibt/ in gleiche theyl ab/ vñ mach fleyne stiplin/ desgleichē
so sollen one daß/ das pflaster vnden abgetheylt sein/ in vngerade steyn
oder platz/ vnd inn gerade linien/ wie in vorigen figuren gemellt
wirdt / vnd was der vndersten abtheilungen nach rechter
proport sich schicken zū den puncten / die richt alle
den puncten nach/ aber die überigen außthei=
lungen richt zū den stiplin zwischen den
zweyen puncten gmacht/ so wirdt
es inn aller massen wie du
an der obengesetzten
figur findest.

F iii




Von den zweyen puncten/wie vnd
warzü die zugebrauchen findt.




Echter magstu eyn geheuse / das am eussersten ende
brent sei/ darinn man vil personen stellen möge (als ettlich sun-
derlich über heuffen) nit machē/ noch dienlichers darzü brauchē
dann zwey puncten müstu inn gleicher höhe stellen/ auch in gleicher außmes-
sung off den seiten/ also daß die breyte der formen/ in drei gleich theyl gethey-
let werde/ iglichs eusserst theyl vor den puncten/ vnd dan so stell den puncten
daß er inn der mitte der abtheilung stann. Willtu aber die platz vnden im
pflaster noch grösser haben/ so ruck die punctē off den seitten/ eyn drittentheyl
ires platz oberwarts/ übersich/ so gibstu dem pflaster zū/ vñ benimst der büne
darnach was die seit hat/ da richt igliche fenster/ bänck/ schänck/ düren/ disch/
oder außladung/ nach dem puncten/ so off irer seiten sieht. Aber weß du vom
pflaster oder bünē hast/ da sich die übersich oder hangende linien/ den punctē
nach/ zuuul über ort zihen wollen/ so miß den platz/ der zwischen den zweyen
puncten ist oder bleibt/ in gleiche theyl ab/ vñ mach kleyne stiplin/ desgleichē
so sollen one daß/ das pflaster vnden abgetheylt sein/ in vngerade steyn
oder platz/ vnd inn gerade linien/ wie in vorigen figuren gemelt
wirdt / vnd was der vndersten abtheilungen nach rechter
proportz sich schieken zū den puncten / die richt alle
den puncten nach/ aber die überigen außthei-
lungen richt zū den stiplin zwischen den
zweyen puncten gmacht/ so wirdt
es inn aller massen wie du
an der obengesetzten
figur findest.

aber die höhe zwischen zweyen steyn/wirt von den innersten ecken des fürze-
ren steyns genomen/auch mit blindlinien/ zum puncten zu/vnnd wo die inn-
rer dicke erwinden/sollen mitt richelinien verzeichnet sein. Was auch vonn
steynen hierin gerissen/die seind fornen zu/ in irer höhe vñ breyte von erst ge-
rissen/ vnd darnach von allen ecken/ blindlinien biß zum puncten zu geführt/
wie lang du dan die steyn haben willst/vñ da sie erwinden sollen/dahin mach
deine zwerch lini/aber die holen vnd schinzhülen in den steynen/inn dieser fi-
guren gerissen/sindt nach wolgefallen/ vnd sunst alle steynäxt vnnd winckel-
möß/ alles nach dem puncten gemacht. Was auch von borten oder brettern/
oben vffs gerüst gelegt / die sindt erstlich hinten von irer breyte vnd der dicke/
wie den risser gut bedacht hat/gerissen/vnd darnach in die lengde/ mitt irer
dicke vñ breyte/zum puncten zu/ durch blindlinien geführt. Die ander ursach
warum diese figur hierin gsetzt/ist/ daß man allerley finden vñ haben mög.

Zumercken/ wollt etwo eyn Maler zimmerleut reissen/
die ennen bar vffgeschlagen haben/auch ennen bar zuwerck legen/
so ist diß nachuolgend figur daruñ gerissen/damitt es sein form vñ
rechte proportz/nach der perspectiua hab/ dann an diesem vffgeschlagenenn
bar/merckstu wol/ war wider man oben sihet/ muß man die dicke von-
den zu anzenge/vnd waruff man sihet/muß man die dicke oben
anzenge/ vnnd doch daß sich alle seiten zum puncten zu
verlieren. Es sindt auch hie alle beihel/ winckelmess
vnd ärt/auch andere gezeuge/sampt den spā-
nen/alle nach dem puncten gericht/ desß
gleichen die zimerbänck von irer
dicke vnnd standt/ auch die
bauhölzer so zuwerck
gelegt sindt.



Allerley anzeig willen / hat man diese Bruck (so
 schlecht außschein gemacht ist / von der Stat pforten angeende)
 hieher gestellt / vnd solt sie also reissen: Nach eyn puncten / nahe
 vnden ans ende / zwischen den ennen schwibogen / vnd als weit
 du die schwibögen haben wilt / so reiß sie erstmals mit eynem halben zirkel-
 riß / darnach so ruck den zirkel vff seit / also ferr / als du die dicke des schwibo-
 gens anzeigen wilt / vñ laß doch den zirkel in der weite wie er vorhin gestelt
 ist gewesen / doch daß er mit seinem steigen / dem ersten in der höhe gleich köme /
 vnd thū eyn riß von oben der ründe herab / so wirdt der schwibogen nach rech-
 ter art / des gesichts vnd perspectiue / oben spitzig schmal / vnd vnden / nach sei-
 ner geordneten dicke / breyt. Darnach setz dein linial vff ieglichs ort / so hoch
 du die quadersteyn von dicke anzeigen wilt / thū eitel hangende linienstrich /
 so verlieren sich die steyn nach rechter perspectiuischer art. Vnd die viereckete
 Thurn / vnd die mawren / auch irer fenster höhe / müssen alle diesem puncten
 nach gericht werden / so wirdt die Bruck gestallt wie hienach verzeichner.





S nun von eyner schlechten Brucken geredt / wollen
wir hie eyn erhabne anzenge / an der erslich die ober runde / mitt
dem zirkel gerissen / wiewol der zirkel riß nit gar gehalten / dann
es sich zugar in die höhe erheben wollt. Auch hat mā zu den zwey-
en schwibögen / zwen zirkel riß / mit iren sunderlichen pücten dar
zu dienlich gerissen / vñ sodick du den schwibogē anzenge wilt / so verruck den
pücten des zirkels / doch laß den zirkel in seiner gestellten maß steen / so spitz
sich der zirkel oben im schwibogen / darnach stell eyn puncten in die platz des
schwibogens / wohin du wilt / nim eyn seit des schwibogens für dich / theyl ab
hinden die breyte der steyn / vñ vff iegliche theylung vnd den pücten / so du an
letsten nit zum schwibogen / sunder deins gfallens gestellt hast setz dein linial /
mach übersich vnd hangende riß / solang du dicke des schwibogens hast. Vff
der andern seiten (wiewol die ordnüg in dieser figur nit gehalten) theyl aber
die dicke der steyn in souil theyl du wilt / thū wie vom andern schwibogen ge-
mellt. Also thū auch mit dem mitlern joch / so werden alle ding recht gmacht.



N Erſpectiuuiſche landſchafften/ welche die ſeit vff jnen ha-
ben/ in eyn ſeiten puncten zubringen/ wie ab hievor getruckten figu-
ren zuuermerten iſt/ wiewol nit ſunders daran gelegen ob etwo eyn
gebirg über das ander reycht/ jdoch ſteht es dañoch zierlich/ daß ſich
das gebirg nach der ferre verkleyner/ vnd damit die ordnung der perſpectiua
gehalten werde/ dahin geachtet/ daß man eynen puncten mach/ vñ das lini-
al zunegſt bei dir/ ſo hoch geſetzt werde/ alß dich dunckt das negſt gebirge bei
dir/ ſein höhe haben ſol/ vñnd zugleichertweiſe vnden auch/ von dem forder-
ſten ort an/ da des gebirgs fuß windet/ vnd alſo von beyden enden vnden vñ
oben zwo blindlinien geriffen werden/ da feyn gebirg dieſelbigen in der höhe
überſchreite/ deß gleichen vnden mit jren füßen fürſchieß/ ſo verlieren ſich die
gebirg gleich den geheuſen/ wie ab den figuren hierinn geſtellt abzunemen.

Hernach volgen ettlich Regulen/ wie man
geheuſe vñnd jre ingehörde/ one punc-
ten auch machen mage.


Zuerſten / ſo du eyn pflaſter inn ſein triangel plaß ge-
richt/ vñnd vñnden wiewil du vngerader ſteyn haben wilt/ abge-
thent haſt/ wiltu dann die creuklinien/ ſo mann zu der breyte der
ſteyn brauchet/ one den zirkel abmeſſen/ ſo thū jme alſo/ ſetz dein richtſcheidt
an das eyn vnder eck/ welchs du wilt/ vnd far hinuff zu dem Triangel mit
dem richtſcheidt/ ſo hoch du wilt/ vñnd dich beduncket/ nach dem du die ſteyn
gern breyt oder ſchmal haben wilt/ vñ thū eynen blindriß/ darnach thenl dem
augenmeß nach/ die geriffne blindhalb creuklini/ in mittel des mittlen ſteins
in eyn gleich halbthenl ab/ vnd daſelbſt mach eyn punctlin in die mitte der li-
nien/ darnach ſo ſetz dein richtſcheidt vff das ander vnderſt eck/
vñ den puncten/ ſo thū in die mitte der halbē creuk-
lini gemacht haſt/ vñ thū aber eyn riß ſo
wirdt alſo wol eyn creuklini
drauß/ als durch den
zirkel.

Eyn regel zu den Seulen vnnnd Balcken/auch den Krag- steinen.

Noch vff eyn ander maß daß hienor dauon gemellt/
ist die abtheilung der Seulen vnd Balcken / von irer dicke vnnnd
gröſſe/auch der plätz zwischen inen/ one machung des pflasters/
doch nach gerechter massen zumachen/ vñ hallt dich dieser regel: So groß du
den ersten Balcken oder die erste Seul machest/ so brich dem zwayten Balckē
oder der zwayten Seulen eyn drittheil ab/vnnnd dann so brich abermals dem
dritten Balcken vnnnd der dritten Seulen auch eyn drittheil ab / also daß sie
eyn drittheil schmāler werde dann die negst vor ir / das thū souil du Balcken
vnd Seulen haben wilt/vnd gleicher gestalt thū mit der platz/zwischen den
Balcken vnd Seulen. Nach auch die zwayt platz zwischen dem zwayten vnd
dritten balcken vnd seulen/ eyn drittheil schmāler daß die erst platz ist/ so ver-
lieren sich die Balcken vnd Seulen/vnnnd ire plätz darzwischen/nach rechter
proportionirlicher art/alswol/als ob du eyn pflaster gemacht/ vñ den Stey-
nen nach außgerechnet hettest.

Eyn regel die Seit belangend.

Sob allzeit acht/was gegen dir gegensichtig ist/ oder dar
wider du sihest/sol alles mit vffrechten vñ zwerchlinien gerissen wer-
den. Was aber die seit hat/es seient geheuse/stül/disch/kisten/schānck
bānck/fenster/capitāl/gesims/lāden/düren/drapling/seulen/füß/fragsteyn
vnd schoinsteyn/das muß alles durch vffrechte vnnnd hangende/
auch übersich gehnde linien/gerissen werden/vñ war-
uff man siht/das muß durch übersich gehnde
vnd zwerch linien gerissen sein/wie das
auß volgender figur der disch/stül
kisten vnd bānck / zuuer-
nemen ist.



In solches kanstu an dieser Figuren wol abnemen/
daß die fordertheyl der Dische/ Kisten/ Stül vnd Bäncke/ vorn
erst gerissen sein müssen/ vnd was darnach die seite hat / das muß
man von allen ecken (sie seien vnden oder oben) zum puncten zu richten.



Regel zu Seulen vnd Kragsteynen.

Nem/ wann du Seulen inn eynem geheuse/ daß sie die
Kragsteyn bereyhen/ machen wilt: So müssen inn der bünen als
wol/ als im pflaster/ steyn gerissen werden. Vnd souil steyn platz du
zwischen den seulen nimst/ alsouil steyn müstu auch zwischen den kragsteynen
lassen/ doch so die kragsteyn gemeynlich schmäler sindt dann die pedestäl oder
fuß der seulen/ so brich dem obersten steyn/ dahin die kragsteyne verzenchnet
werden/ eyn drittheyl ab/ also/ daß zwischen zweyen kragsteynen drei steyn/
vnd eyn vierttheyl eyns steyns bleib/ vnd vnden zwischen den seulen drei steyn
platz/ so werden alle ding gerecht/ vnd wie sichs erfordert.

¶ ij


Regel zu holen sessen/den Schencken
vnd Fensteren/auch den Dören
inn dicken mawren.

Merck wann du zwo richtlinien hast gerissen / mit di-
ren du die dicke der mauern oder wandt vñ den Fensteren/Dö-
ren/Sessen/ auch die dieffe der holen schänck inn den wände
anzenngen willt/so müstu dan vnden vnd oben an iglichem end
eyn überzwerch lini reissen / die mit a vnd b auch c vñ d ver-
zeychnet sint/ als hieneben steht: Darnach/ so du die oberst vñ
vnderst dicke auch reissen willt/ so stell dein richtscheidt vff den
puncten vnd das a /thü eyne riß/vnd darnach wider vff den
puncten vñ da b steht/ wirdt daraus die ober dicke der Feste-
ren/Dören vñ schänck. Weiter so thü ime wie ich gehört/mitt
c vñ d auch/so zeygst du vnden die breyte oder dicke der Maw-
ren/Fensteren/Schänck/Dören/vnd der sessen bei den fenste-
ren an/ wo du dann willt haben die sesse vor den fensteren erwindenn/ dahin
mach eyne überzwerche lini/dan wirdt es gerecht/vnd kommen alle ding nach
ter proportz vnd ordnung.



Wann du obere gesims inn geheuse machen wilt / vff
 welche man Seulen stellen oder malen wölt / auch Seulen dar-
 under biß vff das Pauiment reichend / vnd daß solch gesims eyn
 überhang hab / oder eyn gestallt gewinne / als ob es oben sich her-
 über biege / so halt dich diser lere: Reiß am ersten den rechten fragsteyn / der
 die obern Seulen tragen sol / oder vff den du die obern Seulen machen wilt /
 mitt seinen gesimsen / stab vnd felen / auch bieglin deins gefallens / fornen zu /
 da es ganz gegensichtig ist. Darnach reiß von allen ecken / sie seien inwards
 oder außwärts / hangende blindlinien / biß zum puncten / wo du dan hinten
 am ende des ersten fragsteyns / oben erwinden bist / da mach oder reiß auch
 eyn blindlini biß zum puncten / darnach wo du den zweyten fragsteyn haben
 willst hinten erwinden / da reiß eyn blind vffrechts rißlin / welchs hie mit rot
 verzeichnet worden / vnd von dem eck an / da das richt rot rißlin vñ die euserst
 rot hangend lini übereinander gehn / da reiß den zweyten fragsteyn in rech-
 ter winckelmeß zwerch / biß an die oberst blind herab gehnde lini / darnach so
 reiß alle riß mitt linden kolen oder blei / souil der erst fragsteyn in der zwerch
 vnd gegensichte hat / es seien von stab oder felen / daß die alle / biß an die han-
 gend rot linien / erstmals zu iren gleichen gerissen / reichen. So du dann das
 überhangend gesims auch machen wilt / so brich den ersten zweyen zwerchli-
 nien eyn drittheil ab / für die oberst dicke des gesims der zweyten dicke / benim
 halb souil / vñ wo du mer gesims machest / aber halb souil als des negsten /
 vnd reiß dann die vorigen zwerchlinien biß zu iren genannten abtheilungen
 mitt schwarz / darnach so las den vndersten stab eyn wenig vor das richt rote
 rißlin fürschießen / vnd das gesimslin vnden daran auch eyn wenig / vñ so
 dis alles also gemacht ist / so thû ime eben also mitt dem dritten / vierden vñ
 fünfften fragsteyn / souil du dan deren hast / darnach so stell dein richtscheidt
 vff den puncten vnd die innersten abgetheylten rißlin der fragsteyn / vñ mach
 eitel rißlin vorn eynem fragsteyn biß zum andern / so werden daraus gesims
 wie getruckt vnd angezengt ist. Vnd so du von allen scharpfen ecken / sie geen
 inwards oder außwärts / linien reissest / so gewinnen das gesims / vñ was
 die seit haben soll (allemals wo inn der zwerch vñ gegensichte / zwo linien
 findt) drei linien / also daß die dritt lini / die vnder brente der gesims (wie vor
 die überschießenden) anzenge thun / aber der stab im fragsteyn oder gesims
 zengt kein fundere brente an / das macht die runde / was aber scharffe eck hat
 das muß auch vnden eyn brente haben. Vnd diese leer sei auch von allen Ca-
 pitälen der seulen vnd gesims vff düren vñ schäncken / gesagt / dan was solche
 gesims hat / muß alles also gehalten werden.


Nun wirt angezeigt/wie man die Stände
der menschen/auch die antliker/auß dem
ablengeten pflaster nemen soll.



NAlle angesichter so gegensichtig sein sollen / werden geschicklich nach gfallt eyns eyes formirt (daß eyn ey ist oben runde vnd weit/verleuert sich selten inn eyn gehe spit/ sunder eyn sanffte ründe) es weren daß breyt feynste antliker/ die werden fast in eynner breyte vnden vnd oben gerissen/das heissen aber nit proportionirte antliker/ sunder diese haben den namen / welche nach wolgeschickter art proportionirt sindt. So du nun die form eynes antliß machan wilt/so reiß von erst die gestalt des Eyes/wie vor gehört/sol daß das antliß gegensichtig sein/so reiß in der mitte durch auß die lenge herab eyn ganz wenig gebognen riß/ vnd darnach inn der mitte so reiß eyn überzwerch riß (alle beyde mitt blindrissen) daß der überzwerch sich vff beyden orten / eyn wenig zubergh zihe / darnach so verzeichnen in denselbigen zwerch riß/in die mitte/ zwischen dem mitteln herabgehnden riß/ vnd dem eussersten runden riß/die augen/darnach so theyl das ander theyl des angesichtes ab / wie hernach volgt: Das zipflin der nasen verzeichnen inn die mitte vff den herabgehnden riß / zwischen dem zwerch oder creuk riß/ vnd dem vndern spizlin des runden riß / zum ganzen antliß gerissen / vnd dasselbig vnderst spizlin gibt dir das kinne. Darnach theyl ab das mittel zwischen dem nasen zipflin vnd dem kinne/zü dem mund/vnd diß

wirdt alles von wol proportionirten angesichtern gemeynnt. Aber da die na-
 sen biß vff den obersten leffhen des munds/vñ die vndersten leffhen weit zum
 kinne hinab reichen/das werden nit proportionirliche antlicher/sunder nach
 einfallen der Maler gmacht/oder ob man eyn bild abcontrofetten wölt/dem
 sol man inn aller art (wie man den menschen so abcontrofet wirdet/findt)
 nachuolgen. Aber zu eynem seiten angesicht/muß der mittler riß vff die seit/
 eyn drittheil seins spatiums/geruckt werden. Das aber ganze seiten antlich
 sein sollen/also daß man nit mer dann eyn aug/eynen backen/vnd die halbe
 stirn/sehen sol/so nim für dich eyn mitten gebognen herabgehenden riß/vñ
 theil sein mitte mitt eyn halben überzwerchen riß ab/darnach stell das aug
 vff solchen überzwerchen riß/daß es nit außerr von der nasen sei/dañ zu eyn
 ganzen seiten antlich/pflegt man wenig spatiums zwischen dem augen vñ
 oben von der nasen zusehen/vnd dann verzeichnen das zipflin der nasen/zum
 halben spatio/zwischen dem überzwerchen halben riß/vnd dem vndern spitz
 lin des kinns/vnd dañ in dem mittel des spatiums/zwischen dem kinne
 vñ der nasen/verzeichnen das mittel des munds/zwischen bey-
 den leffhen. Es werden auch die übersich sehende antlicher
 auß der quadratur/von dem ablengeten pflaster ge-
 nomen/wie man eyn solchs auß der obgestell-
 ten figuren sehen mag/welche darumb
 hieher gestellt/damit man engent-
 lich sehe/wie die creuklinien
 auß der perspectiua
 geordnet sindt.

§ titij




Ist diß vorgetruckte figur / darumb hierein gestellt /
 vñ durch zweyerley vrsachen willen / eyne deßhalb / damit du sehest
 wañ du übersichtige antliker haben wilt / so müstu eyn gestallt des
 antliß reißen / oben breyt / vñd eyn wenig abgeründet / darnach sich
 vnden eyn wenig spizen. Vñnd sol es dañ gantz gegensichtig sein / vñnd doch
 übersich sehend / so müstu in der richte / eyn gelegne lini reißen / vñd die über-
 zwerch lini / in welcher die augen verzeichnet werden / auch eyn wenig vnder-
 sich gebogen / dañ gemeynlich so eyner übersich sihet / kan man ime wenig der
 stirnen formen zu / aber bei seits bas / sehen. Vñd zu dem gantz gegen vñd über
 sichtigen antliß / verzeichnen in der mitte der zusamen komenden creuzlinien /
 das vndertheil der nasen / vñ die naßlöcher. Deßgleichen sol man die vnder-
 sten augglider / mehr dan die obersten augglider anzeigen / vñd den obertheil
 der leffzen / dañ inn dem übersichtigen antliß / werden alle vndere ding / mehr
 vñd grösser angezeigt / dann inn den richt angesichten / wie das alles clärlich
 in der figuren hieoben angezeigt. Aber zu dem übersich vff seit gerichtten ant-
 liß / da müstu den gebognen mitlen strich / in welchem / nase / mund vñd finne /
 verzeichnet werden / wol vff die seit rucken / dahin du gern das antliß sehend
 haben wilt / also / daß zwischen dem eussersten begriff deß antlißes / vñd dem
 mitlen strich oder lini / wenig platz / weitter dan zum augen / überbleibe. Dar-
 nach so reiß den gebognen creuz strich oder lini auch wol hinuff an das ende /
 also daß vor die stirn / das drittheil des ganken begriffs vom antliß / abgerif-
 fen werde / darnach so reiß das eusserst auge / gantz nahe ans ende / dahin das
 antliß sehen sol / in den creuzstrich / vñd das ander wie dich bedunckt / daß es
 die notturfft erheische / darnach verzeichnen die nase / inns drittheil zwischen
 dem ende des eussersten frenß vñd dem creuz oder überzwerchen riß / vñd so es
 die seit hat / vñd man an eym iglichen übersichtigen / vff seit gerichtten antliß /
 die nase zum halbentheil sihet / so muß sie auch also verzeichnet werden / doch
 daß man vnden inn die naßlöcher sehe / vñd auch eyn lenge / oben in irer höhe
 hab / welchs mit dem gantz gegensichtigen antliß nitt beschicht / dann der vff-
 wurff des spitklins der nasen / vñ die naßlöcher / bedecken die lenge der gegen-
 sichtigen nasen / vñd dañ der mundt / daß solcher in die mittele platz / zwischen
 dem ende des eussersten begriffs / des antlißes vñnd der nasen / gerissen wer-
 de / also / daß man gantz die dicke des vndern leffzes sehe. Es müssen sich auch
 die obern augglider verkürzen / vñd die vndern grösser vñnd merer dann die
 obern / gerissen werden. Deßgleichen müssen die augbrahen / vñnd die ober
 dieffe / zwischen den augen vñd augbrahen / dapffer vñnd starck gerissen wer-
 den / alles nach außweisung obgesetzter figuren.

Vonder gliedmaß der Bildnuß


Sei vielen Malern/ wirdt gar wenig die rechte proport
der gliedmaß (auß vnwissenhent) gehalten/ daruñ mich bedaucht
hat von nöten sein/ seitmal von allen möglichen dingen/ so aus der
Perspectiua/ zum malen/ bildhawen etc. gebraucht werden/ meldung besche-
hen/ daß der proport vnd gliedmaß auch etwas bericht vnd lere gethan werd/
damit zufürkommen / die grossen antlizer/ so ich etwo in gemälden gesehen/
die sich den leiben oder cörperen der bildnuß nitt hetten vergleichen mögenn/
dergleichen die händ vnd füß/ die der geringen gliedmaß an den bilden unge-
meß/ dieselben nimer also/ sunder inn rechter proport zumachen. Erstlichen
nach gemeynem brauch/ so wirdt in gemälden das angesicht oder antliß zum
ersten fürgenomen/ die handt sol nit breiter sein dan das halb angesicht/ von
der nasen biß an das ore. An mans personen/ die achselen breyt/ die weyche
dünn. An frawen leuten/ sol der leib zu der weyche/ gleich den manlichen lei-
ben nitt spit/ sunder vndenswendig den brüsten biß vff die hüffte / in gleicher
breyte oder schmäle gemacht werden. Der halß sol sein der handt breyt lang/
vom kieffel anzurechnen/ vff der seiten zu/ fornen zu anzurechnen vom kinne
biß inn das halß grüblin/ vom grüblin anderthalben (dero gliedmaß) schü-
he biß an die weyche oder den gürtel. Der elnbogē sol biß an die hüfft rech-
en/ vnd ob sich wol der arm züberg oder übersich erhebet/ dannoch sol er souil
leng haben/ als sich biß zur hüffte erfordern möcht. Der ober schenckel biß
vnder die knie scheiben/ sol handt breyt lenger sein dan der vnder schenckel vñ
der füß in irer leng vnd höhe. Der füß sol so lang sein als das angesicht vñ
der ganz kopff. So aber verkürzt stände gebraucht werden/ wie in der
figuren angezeygt/ dann muß man irer verkürzung/ die das ge-
sicht zuregen bringt/ nachgeben/ also/ daß etwo der füß so
gegensichtig gestellt / nitt über halb angesichts leng
hat/ etwo eynt wenig lenger ist / zuzeiten auch
vil kürzer/ dan ie gegensichtiger vnd er-
habner man den füß haben will/
ie kürzer daß er auch vff
dem reien wirdt.

E werden auch die Ständ der füsse / auß dem Pau-
ment genommen / dann wie die figuren mitten oder am ende stehend/
demnach müssen auch die füß gericht werden / dan̄ stehn die figur̄n
am end / so werden die füß dem pflaster nach / vff seit / gleich eyn we-
nig hinder sich sehend gemacht / vnd die forder theyl oder gegensichte der füß /
mitt eynem geraden oder zwerch riß oder lini / gerissen / vnn̄d nitt das sich der
füß am ort zu berg / vnd fornen mitt der grossen zehen herab zihen. Steht auch
der füß sehr über ort / so erfordert̄s daß der wade mitt wol außgebognem riß /
außwendig des beynß / biß vff den enckel angezengt werde / vnd inwendig al-
leyn mitt eyn̄er fleynen ründe / des gleichen der innerst enckel auch ganz̄ fleyn
vermerckt sei / vnd sol sich der innerst theyl des füß / vnden wol über ort
zihen / so wirdt es proportionirlich gemacht. Kom̄t aber der stand
wol inn die mitte des pflasters / so wirdt sich der füß nitt so
fast über ort zihen / dan̄ so werden die waden mit eyn-
nem sanfften erbognen riß / biß vff das dritte
theyl der schinen bracht / vnn̄d dasselbig
drittel theyl ferrer hinab inn eyn̄er
schmāle / biß an den reien /
vnn̄d den enckel
gemacht.

Hie nachuolget eyn figur wie die
Menschen nach der lēge inn den
puncten gericht sindt.



Ist diese figur hieher getruckt zusehen / wann du personen in eyn geheuse stellen wilt / daß du sie nach der tieffe des geheuses / groß vnd klein machen solt. Vnd damit du engentlich die meynung verstehest / so ist vnden / an der größten personen fuß / eyn lini gerissen / vñ oben am kopff auch eyn / die alle beyd biß zum puncte reichend / also daß alle personen / so in geheuse stehn / vnden vnd oben an solche linien rühren sollen / alsdann verlieren sich die bossen nach rechter proportz / vnd werden nach der höhe des geheuses / groß vñ klein / dann es stünd vnformlich solt eyn groß persone in eyn kleinen geheuse steen vnd oben anrühren. Darumb so muß auch die figur der menschen / dermassen gestellt sein / daß gemeynlich seiner lenge lang platz obwendig des kopffs / biß zu der bünen sei / so steet es geschicklich.



So du eyn flimmenden Liew
en entwerffen wilt/ kanstu inen nimmer
besser dann in eyn Andres creutz mitt
blindlinien machen/ daß in schrecken
des creuzes die brust angee/ vñ die ende
des creuzes die füß vñ kopff gebe.

Eyn Adler ist offts fertigst zu
entwerffen durch eyn creutz mit blindli
nien gmacht/ also/ daß sich die ende des
zwerchstrichs übersich zihent/ das gibt
die ründe oder vffthung der flügeln.

Eyn Stechhelm wirdt geschic
kerlich durch eyn ligende raut entworf
fen vnd in sein gerechtigkeit bracht/ wie
die hieneben getruckte figur dir zuerken
nen gibt.

Desgleichen eyn Thurnir
helm/ in zwo zirkel ründe erstmals ge
stalt/ daß der forderste halb zirkel für
das oberst dach des Helms gee vnd das
visir darauß in sein form bracht werde.


Folgt hernach eyn groß Bild oder Landschaft/
in eyn kleinere form/ vnd herwiderumb/ die kleinen
inn grössere gestalt/ nach rechter kunst
der Perspectiua/ zubringen.

h




Sich nun im ersten theyl der abtheylung vnd capitel diß büchs/versprochen vñ zügesagt hab/vō enner kunst(welche bei den treflichen Malern gar verborgen gehalten worden) meldung zuthün/so ist auch billich/das ich demselbigen nachkomme/vnnd mein züfage dermassen erlautet/das ich lernen wölle/so enner eyn Bildnuß fünd/das er gern drei/vier/ fünff/ sechs oder acht mal grösser/ oder auch souil kleiner dan er es gefunden/doch enner form/gestalt vnd ansehens/haben wöllt/vnd das er möcht an eynem ort den kopff/dort eyn fuß/da eyn hand/ dan diß dan ihens/seins gfallens machen vnd abmalen/vñ doch alle ding/ so igliche also besunder gemacht/ sich zusamen/vnd dem muster gleich zütragen. Das enner auch Landschaften in gemälde fürter gerecht (vnd doch auch also ver-

thenlt) abmalen/oder eyn rechte landschafft durch eyn fenster ab controfectē
 möge/ so halt dich dieser regel: Für das erst/ist es eyn gemelde das du nit gern
 bemafen oder vnreyn mitt kolē oder freiden machen wilt/ oder auch mitt dem
 zirckel durchlöcheren/so müstu haben eyn dünne hölkne rame/ die das ganz
 gemelde/so du abmalen wilt/ begreiff/dieselbig soltu mit dem zirckel/inwen=
 dig in gleiche theyl/in irer zwerche abtheilen/es sei in acht/neun/ zehen oder
 eylff gleiche theyl/dan wiltu es grösser haben/so du dan mer abtheilung/als
 zehen/eylff/zwölff/dreizehen/in die muster rame machest/so es dir basz kum=
 met/wie du vernemen wirst/willt du aber dein gemälde fleyner/ dann das
 muster ist/haben/so ist es gnüg ob du bei sibem oder acht theilen bleibst. Dar=
 nach so theyl die lenge oder höhe der ramen auch in gleiche theyl / als zehen/
 eylff/ zwölff/ dreizehen/ vierzehen oder fünffzehen theyl ab. So du nun diß
 also mit dem zirckel in gleiche theyl abgestochen hast / so durchlöcher die rame
 in iglichem abstich/vnd durchziehe sie mit gütten reynen gedwirnten fädemē/
 oder leime sunst fädem vff die abtheilung/ also daß es viereckete plāz/ gleich
 dem pauiment gebe/bedunckt dich dann/ daß du es noch erkäntlicher machen
 wöllest/so zihē mit den fedemē/zū den vo=
 rigen eyn Andres creuz vñ eyn raut über
 das Andres creuz/wie hiebei angezeygt/
 so hastu die rame gerecht. Wiltu darnach
 die bildniß grösser danis muster ist an eyn
 ort malē / so theyl (mit linden kolen) das
 ort in souil theyl ab/mit dem andres creu=
 ze vñ der rauten/in aller maß wie die ra=
 me abgetheylt ist/darnach hefft die hölkne
 rame vff das muster/daß stedt ligen bleib
 vñnd wo du das haubt/ hand/ fuß/ leib/
 achßel/knie/ oder anders/es sei vff linien
 oder in spatio findest/so merck obs in halben oder drittheil der lini oder spati=
 ums stee/also/wie du iedes ding im muster findest/ es sei in der liniē oder spa=
 tio/demselbigē nach male es in dein vffgerissen lini oder spatiū/so du der ra=
 me gleich außgetheylt hast/ vñ gib dem gemäld souil spatiū/am end da du es
 hin malest/nach seiner achtüg/als dich dunckt/ daß es in der rame (da du es
 findest) an plaz hab. Also magstu den kopff vff seiner lini oder spatio/inn siñ
 fassen/ferrer in dergleichen lini oder spatiū/ so du mit den kolen gerissen/ ma=
 len/vnd am andern ort oder spatio den fuß/vff der andern seitten die hanndt
 vñnd also all andere ding/ in welcher quadratur du sie findest / in derselbigen
 gleichen quadratur sehen/ darnach füre dein haubtstrich vñ achßeln/armen/



beynen/vnd dergleichen dingen/ alles wie dich die rame/es sei vff linien oder
 spatië weiset/so kōmen alle ding gerecht. Also theyl auch das gemälde/in̄ en̄
 fleyner papir/oder vff andere ding/ ab/ so du es vff en̄ fleyneren platz
 machen wilt/ vñnd dieses ist en̄ subtil bewert stück der malerei.
 Gleicherweise halt dich mit den Landschaftten. Vñnd ist
 dir des alles zu besserem bericht/die vorgesezte figur
 inn diß büchlin gestellt / darinn du die abthei-
 lung der fädem über den Landstnechte
 vñd Landschaft/ klärlich sihest.



Und so du Landschaften durch eyn fenster abconter=
 feeten wilt/vnd vff eyn papier oder sunst bringen wilt: So laß
 dir eyn rame machen (wie vor gemelt) die die größe des fensters
 begreiff / die theyl mit dem zirkel inn gerade oder vngerade theyl
 (deins gefallen) ab/vñ souil theyl du in der ramen hest/ also vil theyl mach
 vff das papier. Wie sich nun die Landschaften mit iren bergen/ schlösseren/
 stätten/felsen vñ dälern/durch das gegitter erzeigen/ also inn denselbigen
 gleichen theylungē deins papiers/ soltu es auch malen. Doch soltu aber/die
 weil du an der landschaften abmalest/dein seß nit verrucken/ noch den kopff
 hin vnd heer werffen/ oder dan hieher dan dorthin drehen/ sunder dich in en=
 nem gleichen vnd steten seß halten/ den kopff gleich zubergerhebend. Vnd so
 du/west du verzeichnen oder reissen wilt/inn sin gefasset hast/ gleich vnder=
 sich sehen / vnd inn das papir an das ende / da du es an seinem gleichen platz
 funden hast/malen/dann wider andern vermercken/vnd abmalen/vñ
 diß alles mit vngwencftem haubt/nit vff die seiten/mit strackem
 gesicht thun. Damitt will ich diesem büchlin ende vnd be=
 schluß geben ungezweifelt/welcher sich darin etwas
 üben vnd brauchen wirt/sol dem künstner vnd
 herfürbringer/dessen danckbar sein/vñ
 behendern begriff/ dan auß ande=
 ren vorgeruckten büchern/
 dauon haben vnd
 empfahen.



Getruckt vnnnd volnendet / zu Siemeren vff dem
 Huneßrucke / in verlegug Hieronimi Rodlers / Fürst
 lichen Secretarien daselbst / Vff S. Jacobs
 abent im jar nach der geburt Christi /
 vnfers Seligmachers / als
 man halte /
 1531